

陆宣公集

第一函
第三册

陆宣公集
第一函
第三册

陸宣公制詔卷之七

李晟司徒兼中書令制

雲雷構屯、寓縣興難、非山岳降神、不生良弼、非
股肱叶契、不集大勲、故高宗得傳說、中興殷邦、
宣王任吉甫、重光周道、天寶之季、寇陷二京、時
則先臣子儀、翼戴肅宗、戡定禍亂、再造區夏、于
今賴之、肆予小子、獲纘丕構、不克負荷、失守宗
祧、天祚我唐、降生忠烈、有社稷之臣、曰開府儀
同三司、檢校尚書左僕射、中書門下平章事、克

神策軍節度、邠坊等州管內觀察處置等使、京
畿渭南渭北商華等州兵馬副元帥、上柱國、合
川郡王李晟、沉肅有勇、堅明能斷、聞難、感情、誓
軍、徂征、誠激于衷、義形于色、自河之右、萬里濟
師、毅然雷奔、大盜懾駭、屬皇家不造、戎師誘姦
重茲播遷、郊甸震蕩、而晟蓄銳養士、深壘固軍、
以謀吞元、克以義糾羣、帥躬擐甲胄、率先啓行、
布忠信爲軍聲、持義烈爲戰器、廓清氛沴、寧復
皇都、宗廟載安、宇宙斯泰、佐予興運、時乃茂功、

德厚者任崇業盛者報重并以元輔建于上公
熙庶績而翼宣九歌撫兆人而敬敷五教用疇
井賦貽厥子孫與國咸休永播丕烈可司徒兼
中書令仍賜食封一千戶餘並如故俟還京後
所司擇日備禮冊拜宣示中外以彰元勲

...

...

...

...

...

...

...

...

...

蕭復劉從一姜公輔平章事制

宰輔之任、獻替爲務、內凝庶結、外撫四夷、調陰陽、以成歲功、贊化育、而熙帝載、若金用礪、其弼子違、如旱爲霖、允從人望、矧時屬多難、彌切任賢、朕未嘗不朝夕論思、夢寐懷想、道之所在、人遠乎哉、朝議大夫守戶部尚書兼御史大夫克荆襄江西等道都元帥統軍長史豐縣開國公賜紫金魚袋蕭復性質端亮、理識精敏、約已弘物、體方用圓、爲邦必表其理能、及雷亟聞于鯁

議動可成範。立不易方。守尚書吏部郎中兼御
史中丞。克荆襄江西等道。都元帥判官。賜緋魚
袋。李從一。貞白其行。溫恭其文。居簡而適用。必
通禮和。而臨事有立。持重能斷。端慤有恒。累更
委任。多所弘益。守京兆府戶曹參軍。翰林學士。
賜緋魚袋。姜公輔。志懷濟物。監必通理。主文而
諫。忠靡退言。經始以謀。事皆前定。道無屈撓。智
適變通。並可以叅贊。大猷光膺。僉屬兵戎。未靖
期爾。經綸都邑。未康期爾。還定予一人。有過爾。

是用匡伊萬姓不寧爾是用又欽哉慎乃有位
罔壞厥官復可守吏部尚書同中書門下平章
事散官封賜如故從一可守尚書刑部侍郎同
中書門下平章事賜紫金魚袋公輔可守諫議
大夫同中書門下平章事賜紫金魚袋

...

...

...

...

大夫國中書門下平章事顯崇金魚袋

中書門下平章事顯崇金魚袋

...

...

...

宋版

用印

...

...

...

...

...

坡翁制詞。精確。有西

漢王言體。

與此老相

顏頰。可也。

而精實有

用。眇乎遠

矣。所以江

上弄水挑

菜。雪月高

吟。俱屬文

人。浮氣較

之。江峽十

稔。却掃杜

門。識量天

淵矣。

張延賞中書侍郎平章事制

兩漢致理由乎審官。多以牧宰高第入居台輔。

黃霸自潁川而次遷丞相。卓茂由密令而超拜

三公。蓋以為國本于親人。舉賢先于稱職。旌能

勸善。風化大端。今革車薦興。賦煩人散。匡弼寡

昧。屬于才臣。光祿大夫。檢校吏部尚書兼成都

尹御史大夫。克劍南西川副大使。管內度支營

田觀察使。處置等使。上柱國魏國公張延賞。崇

飭文行。勵精理道。踐歷中外。所至有聲。慮必周

密心無屈撓。簡廉以肅吏。慈惠以愛人。明以照
姦和以定衆。去若始至。久而見思。乘志不渝。課
績常最。以爾循良之化。佐予綏兆人。以爾經綸
之才。佐予熙庶績。仍資威重。兼領蕃維。式慰其
棠之思。且繼緇衣之美。懋昭邦典。勿替家聲。可
中書侍郎平章事。依前兼成都尹。餘如故。

渾城侍中制

論道經邦興戎定亂執是二柄毗予一人得諸
全才康濟大難懋官胙土備舉彝章開府儀同
三司檢校尚書左僕射同中書門下平章事兼
靈州大都督府長史克靈鹽銀夏等節度管內
觀察處置度支營田押蕃落等使仍克朔方邠
寧振武等道奉天永軍行營節度副元帥柱國
樓煩郡王渾城神降才傑天資忠厚叶予興運
爲國輔臣往以盜起上京駕言出狩羣兇怙亂

再犯郊畿時乃奮揚武威董制師律深居籌畫
奸慝侵謀當敵指揮士旅增氣危城克固我伐
用張重以賊臣蔑恩養寇資亂再罹艱阻播越
巴梁時乃并轡載馳執羈從邁有見危致命之
節有憂國滅私之誠凜然貞規介若金石縱橫
有夷難之畧感激陳復國之謀分總偏師徑出
重險秉大節以誓羣帥布寬令以宥脅從師次
近郊摧兇靡抗軍臨近甸下邑如歸推成功以
不居期盡敵以自效率其全衆揚旆前追雄威

疾馳元惡授首。柔德懷服。餘黨歸心。掃闢氛昏。
安復圍寢。懋乃嘉績。其維格天。范熒之讓。能耿
弇之殄寇。總是二美。戒其有焉。足以垂勲旂常。
垂美竹帛。宜首台階之列。仍疇井邑之賦。祇膺
時命。無替厥庸。可待中。仍賜實封八百戶。餘如
故。

盧翰劉從一門下中書侍郎平章事制

寅亮天工弘宣理本俾予從乂時乃輔臣扈蹕
載驅以勞定國懋官遷列式是彝章銀青光祿
大夫行尚書兵部侍郎同中書門下平章事范
陽縣開國公盧翰嚴重不撓貞方自持養恬鎮
俗居簡濟衆言思無隱事必同恒守刑部侍郎
同中書門下平章事賜紫金魚袋劉從一質厚
氣深識精體遠冲用無竭貞規不渝從容以和
出納惟允自鸞車載駕薄狩于梁執羈有從我

之勤及雷勵匪躬之節交修不逮庶績其凝俾
承命于掖垣仍參掌以樞務今百度伊始六府
載張論較是非不可以不審宣揚憲令不可以
不明爾其欽承無墜我休命翰可門下侍郎同
中書門下平章事散官勲封如故從一可中書
侍郎同中書門下平章事餘如故

劉滋崔造齊映平章事制

朕嗣位君臨。精求理道。小大之務。靡不經心。日慎一日。于今八載。教化未洽。烝黎未康。因之以甲兵。繼之以災沴。斯固鑒有所不至。慮有所不周。予深浩然。若涉深水。思所以匡我致理。助我官人。宣其澤而四方以寧。執其要而百工式叙。允是大任。其惟輔臣。夢想勞懷。敷求俊乂。察言而觀行。因事以考能。周行之中。乃得良弼。權知吏部侍郎劉滋。操履貞清。介然自守。居能慎獨。

重不違仁、析理究其精微、勵學探于粵旨、守給事中、賜緋魚袋、崔造、惟合道要、誠通化源、適時有成務之才、事上懷匪躬之節、蘊蓄器業、居爲名臣、中書舍人、賜紫金魚袋、齊映、修己以立、自明而誠、體賢人可大之規、用君子時中之道、虛受能擇、清通不流、惟滋之直、方可以激風俗、惟造之體度、可以振條綱、惟映之精深、可以該物理、我有大典、爾其參之懋、昭厥猷、勿替休聞、滋可克散、騎常侍、同平章事、造仍賜金魚袋、其有

散官封賜並如故。僕射平章事制。

周召由輔弼之臣。兼方伯之任。蓋以理化根本。在于親人。通兆庶之情。以佐天子。秉家邦之慶。以臨諸侯。故能中外允釐。上下無壅。今我有命。意其在茲。金紫光祿大夫。檢校尚書左僕射。兼潤州刺史。御史大夫。充鎮海軍浙江東西節度。觀察處置等使。上柱國。南陽郡開國公。韓滉。文行忠信。備修身之道。勤儉貞固。有成務之。不累。更委遇。多處繁重。一心奉職。終始不渝。內告謀。

重不違仁。新理究其精微。勵學探于粵音。守給
事中。賜緋魚袋。崔造。惟合道要。誠通化源。適時
有成務之本。事上懷匪躬之節。蘊蓄器業。居爲
名臣。中書舍人。賜紫金魚袋。齊映。修己以立。自
明而誠。體賢人可大之規。用君子時中之道。虛
受能擇。清通不流。惟滋之直。方可以激風俗。惟
造之體度。可以振條綱。惟映之精深。可以該物
理。我有大典。爾其參之。懋昭厥猷。勿替休閒。滋
請官。惟造。並岐。姑。平章事。造仍賜金魚袋。其有

韓滉檢校左僕射平章事制

周召由輔弼之臣。兼方伯之任。蓋以理化根本。在于親人。通兆庶之情。以佐天子。秉家邦之慶。以臨諸侯。故能中外允釐。上下無壅。今我有命。意其在茲。金紫光祿大夫檢校尚書左僕射兼潤州刺史御史大夫克鎮海軍浙江東西節度觀察處置等使。上柱國南陽郡開國公韓滉。文行忠信。備修身之道。勤儉貞固。有成務之木。累更委遇。多處繁重。一心奉職。終始不渝。內告謀

猷以匡時化外持憲法以一人心理尚廉平事
皆釐飭奸盜衰息禮義興行惠茲一方時乃之
德陳師旅以遏寇讐納餽糧以修職貢張我威
武實我資儲令必應期謀無愆素濟于多難時
乃之功宜其參務中樞翼宣大化仍兼漕運兼
領蕃維樹南國之風猷瞻中都之廩實予則有
望爾其懋哉繼于前人無替厥服可檢校左僕
射同平章事依前鎮海軍浙江東西節度觀察
處置等使兼克江淮轉運使餘如故

李勉太子太師制

立國之本。所繫于元良。弘教之方。必由于端士。非精識前典。德冠當時。恭敬溫文。其將安做。吾是以輟台階之老選。宗室之賢輔。翼春闈。是資教諭。檢校司徒同平章事。充太清宮使。崇文館大學士。上柱國。汧國公。李勉。忠信孝友。直方簡儉。達君臣父子之際。知禮樂教化之端。虛澹保和。貞明寡欲。求舊則德懋。敘親則屬尊。師範國儲。無易其選。可檢校司徒兼太子太師。散官封

冥鴻高尚。
末世所難。
制中力崇。
恬退以惇。
風節乃得。
至言之體。

姜公輔左庶子制

君之任臣有優賢賜告之義臣之事君有量力
知止之道故能進退以禮終始可勝此朕三事
大夫濟理圖全之意也守諫議大夫同平章事
賜紫金魚袋姜公輔首舉高策擢居諫曹爰資
美木叅掌密命居易勵修身之操見危著從我
之勤自處台司累疏陳乞忌滿思退持益守謙
留中久之重難其請式光撝揖俾尹宮坂可太
子左庶子勲賜如故

十六年七月... 陸宣公集

留中久之重... 陸宣公集

之體自... 陸宣公集

夫本參掌... 陸宣公集

顯崇金... 陸宣公集

大夫... 陸宣公集

朕立... 陸宣公集

吾之... 陸宣公集

袁公... 陸宣公集

王言... 陸宣公集

崔造左庶子制

宰相之職允釐百工時惟仰成不可廢闕中散
大夫行給事中司平章事上柱國安平縣開國
男賜紫金魚袋崔造頃居掖垣叅掌樞密總領
繁重積勞疹深亦旣優賢賜之長告歲聿云暮
有加無瘳披誠自陳章疏三上知止之道守之
甚堅處以休閒俾遂願養可太子右庶子勲賜
如故

盧翰太子賓客制

求賢審官以康庶績就閑優秩以處舊臣蓋欲
敦終始之恩全進退之禮金紫光祿大夫行門
下平章事范陽郡公盧翰頃因多難從我于征
以其年及老成任推先進方將求舊擢處台衡
荏苒迄今亟淹星歲勤勞旣久衰疾有加宜徙
職于春闈用優賢于暮齒可太子賓客勲賜如
故

列

願于春闈田劉習于暮尚和未子初零應期故
 吾其茲今亟亟星熾離榮和久寒亦休味宜
 以其平又李如封出求非衣絲來替斷盡台而
 平平草車款則祿公直無取因委鑣致拜于
 如絲故之以全數恐之暨金紫長絲大夫行
 不實審官以惠我與流用劉封以為晉司蓋

益解六子實容歸

陸宣公制誥卷之八

賈耽東都留守制

河洛舊都時巡久曠命以居守俾之保綏間者
淮甸不寧汝墳屢警增置軍府作藩王畿職任
既分威望非重思有總制一其典刑爰資信臣
往又東夏銀青光祿大夫守工部尚書魏國公
賈耽豁達貞方識通大體明九域山川之要究
五方風俗之宜恒因物情以施教化所蒞之郡
霽其休聲悅李廣之風人皆自便懷羊祐之德

四句俱切
東都

敵不敢侵。自誠而明。在久彌著。分我憂寄。實惟
其人。董制軍師。安集疲瘵。統禦都邑。提持紀綱。
懋昭厥猷。無替朕命。可守本官兼御史大夫。充
東都留守。東都畿汝州都防禦觀察等使。判東
都尚書省事。散官勳封如故。其典。既。受。資。計。用。

東都留守。東都畿汝州都防禦觀察等使。判東
都尚書省事。散官勳封如故。其典。既。受。資。計。用。
到宣公。論。請。遂。之。入。

崔縱東都留守制

居守之重，固難其人。近歲以來，益又繁綜，領廉
察之任，專禦備之權。地廣務殷，一皆咨稟，非利
用罔以通濟，非純德不能保綏。周爰咨詢，公論
有屬。銀青光祿大夫、行尚書吏部侍郎、上柱國、
安平縣公崔縱，素風自遠，代濟忠貞。慶之所鍾，
繼有才哲。氣質淳茂，識度淹通。蘊經遠之沉謀，
宣適時之利用。寬而不弛，簡則能周。以茲公左，
多歷要重。小大之務，必聞休聲。輟于周行，式是

普王荆襄江西等道兵馬都元帥制
君人立極。所務于勝。殘秉律成。師實先于謀。帥
申明號令。總持紀綱。弘九合之功。決百勝之畧。
非慎簡。不可以濟事。非僉屬。不可以臨民。集大
勲者。必舉于宏綱。體至公者。無避于內舉。爰擇
蕃翰。俾掌元戎。開府儀同三司。舒王謨。性稟忠
厚。訓知禮樂。居常樂善。動不違仁。察其內恕。外
溫。必能安人和衆。體方識敏。諒可成功。庶乎知
子之明。授以貞師之律。可揚州大都督。持節克

荆襄江西沔鄂等道節度使及諸軍行營兵馬
都元帥餘如故仍賜名誼改封普王嗚呼小子
誼其敬聽朕命我國家之有天下百七十載于
茲矣祖宗垂化紹統功德繼茂威加殊俗惠洽
普天海隅蒼生代受亭育躋之于福壽煦之以
仁和源廣流長慶深祚遠曆數有嗣續于朕躬
兢兢業業懼不負荷虔恭寅畏歲五周星循列
聖之耿光稽上古之謨訓一物失所是所疚心
萬方有罪每懷咎已懸法皆考于天則舉事必

酌于。人。謀。期。合。大。中。罔。循。私。欲。而。涉。道。猶。淺。燭。
理。未。明。文。闕。于。化。成。武。乏。于。定。亂。刑。賞。失。中。授。
任。乖。方。厚。澤。未。均。大。信。未。著。致。使。兇。慝。熾。禍。于。
紀。亂。常。悖。違。君。親。蔑。棄。天。地。盜。據。我。都。邑。痛。毒。
我。士。庶。驅。脅。丁。壯。暴。骸。于。原。野。攘。奪。羸。老。轉。死。
于。溝。壑。忠。良。隕。命。義。烈。銜。冤。迫。以。兇。殘。莫。由。自。
奮。憤。深。骨。髓。怨。結。蒼。旻。朕。所。以。中。宵。屢。興。終。食。
三。歎。哀。蒼。生。之。無。告。憫。赤。子。之。非。辜。爲。人。父。母。
寧。忘。愧。悼。賴。三。事。大。夫。竭。誠。于。內。羣。帥。爪。牙。宣。

力于外。交修不逮。日冀康寧。江漢上游。建旆制
寇。亘千里之地。連十萬之師。保大定功。宜有統
壹。允副茲選。往哉汝諧。無以貴驕人。無以善自
伐。無縱已之慾。無拂衆之謨。從諫如流。改過勿
吝。卑躬降志。以奉賓傳。絕甘分少。以撫軍師。布
誠信以歸人心。明賞罰以盡士力。詰姦誅暴。懋
昭乃勲。敬事恤人。無替朕命。膺茲重任。可不勉
歟。建中四年九月二十六日。

馬燧。潭城副元帥。招討河中制。

天地殊位。君臣異制。苟不率道。茲謂亂常。退而增修。于是有舞于之義。諭以遷善。于是有文告之辭。若猶不悛。乃用致討。興戎動衆。豈得已哉。

李懷光擢自軍候。委之節制。亟有勤績。累加寵榮。總衆駿奔。自遠赴難。解圍逐寇。朕甚德之。位極上台。寄崇總帥。親之若同體。信之無間言。朕于斯人。亦已厚矣。而器小任重。固貽顛覆。有功自棄。無罪自疑。崇信讒邪。脅逐將帥。養寇資亂。

畜奸幸災。朕素所推誠。猶謂非實。優容任遇。坦然如初。凶跡旣盈。醜跡彌露。謀危社稷。通結渠魁。公相往來。無復忌畏。窮極兇悖。所不忍言。朕播遷巴梁。違遠陵寢。大懼失墜。爲列聖羞。賴先澤在人。兆庶知感。朔方將士。忠節不渝。懷光旣沮。姦謀詭稱。效順累陳。款疏請詣闕庭。朕深惟舊勲。務欲全貸。授以師保之任。疇其并賦之食。璽書勞問。誓以終始。懷光遂殺辱使臣。完聚守保。將以悖慢之罪。加于忠義之軍。因茲脅從。冀

與同惡。謂衆可罔。謂天可欺。覆載所不容。人臣
所共棄。討除大憝。招輯非辜。爰咨輔臣。以董戎
寄。銀青光祿大夫。檢校司空。同中書門下平章
事。兼太原尹。北都留守。充河東保寧軍節度司。
北平郡王馬燧。操業端亮。器守宏達。秉難奪之
節。負不羈之才。常持至公。深識大體。感激而三
軍有勇。彌綸而庶績允諧。威聲所臨。郡邑皆復。
殿于北土。隱若長城。奉天定難功臣。開府儀同
三司。行侍中兼靈州大都督。靈鹽豐夏等州節

度使管內度支營田觀察處置押蕃部落等使。
克朔方邠寧振武等道奉天永平等軍行營節
度兵馬副元帥。上柱國樓煩郡王渾瑊。淳粹積
中。仁厚成性。布寬大以容衆。著誠信以撫人事。
必沉詳。臨危益辦。節惟貞固。在險逾彰。弘濟艱
難。懋昭勲。闕出納朕命。光膺具瞻。並文武全材。
安危注意。副我憂屬。時惟二臣。比德協謀。往清
多難。燧可兼克。奉誠軍。及晉隰磁等州節度。管
內諸軍行營兵馬副元帥。餘並如故。瑊可兼河

中尹。克河中絳州觀察處置等節度使。仍克河
中絳州同陝虢等管內諸軍行營兵馬副元帥。
功臣散官勲封如故。嗚呼。朕不敏不明。失于君
道。連禍未息。勞師靡居。中心自咎。鬱若焚灼。又
以朔土之衆。代著忠勞。橫遭污脅。深所憫惜。爾
其敬敷朕命。明諭朕懷。務于招綏。非黷威武。惟
輸誠歸順。罔有不赦。惟執逆拒命。罰止元兇。寧
失不經。無濫無罪。列爵懸賞。用俟勲賢。布告遠
邇。咸令知悉。

李晟鳳翔隴西節度兼涇原副元帥制
周之元老以分陝爲重漢之丞相以憂邊見稱
故方岳克寧疆場不聳安人保大致理之端今
所以重煩上台作鎮西土奉天定難功臣司徒
兼中書令克神策軍節度鄜坊丹延等州觀察
處置等使仍克京畿渭北鄜州華州兵馬副元
帥上柱國合川郡王李晟勵精剛之操體博大
之德適時通變而大節不奪虛受廣納而獨斷
自明奉法以身推功以下衆無犯命人用樂從

懷德畏威。令行禁止。誓羣帥于危疑之際。駐孤
軍于版蕩之中。氣凌風雲。誠動天地。一鼓而兇
徒懾北。再駕而都邑廓清。師皆如歸。人不知戰。
再安社稷。功格皇天。而明識秉彝。清風激俗。雅
尚恬曠。撝謙有光。朕以汧隴近郊。扶風右地。川
阜連亘。抵于回中。限界諸夷。蕃屏王室。所屬誠
重。付之元臣。兼二將之甲兵。崇十連之元帥。宣
威耀武。罷警息兵。俾予仰成。時乃丕烈。可兼鳳
翔尹。克鳳翔隴右節度營田觀察處置等使。仍

克鳳翔隴右涇原節度管內諸軍及四鎮北亭
行營兵馬副元帥改封西平郡王功臣本官兼
官如故

劉洽檢校司空克諸道兵馬都統制

論道經邦、允歸碩望、建牙統衆、必籍雄才、中外具瞻、安危注意、今以二柄、付之元臣、開府儀同三司、檢校尚書左僕射、同中書門下平章事、持節宋州諸軍事、兼守州刺史、克宣武軍節度使、營田宋亳潁等州觀察處置等使、仍權知汴滑宋亳等州都統兵馬事、懷德郡王劉洽、秉志端亮、飭躬簡儉、博厚足以容衆、和易足以長人、純孝榮親、盡忠事國、分我闔寄、殿于大藩、扼制淮

陸宣公集
夷保障楚甸、戎捷繼至、軍聲再揚、殪羣兇于宛
丘、驅大憝于梁野、控引漕輓、委輸京師、予嘉乃
勲、懋乃貞節、用錫丕命、俾揚洪休、燮贊三台、紀
綱羣帥、式是大任、爾其欽哉、可檢校司空、同中
書門下平章事、依前宣武軍節度使、度支營田
宋亳等州觀察處置等使、仍充宋亳潁等州管
內諸軍兵馬都統、散官勲封如故、

陸宣公集卷之八

終

陸宣公制誥卷之九

渾城京畿金商節度使制

王者之制安不忘危弘其道則文武齊致教其人則農戰兼務故雖縣內不可去兵况密邇寇虞于紀稔慝都邑郊甸騷然靡寧聿求信臣特建戎號濟人夷難允屬勲賢京畿渭北節度使兵部尚書行在左都虞侯渾城忠貞博厚溫恭簡肅持重不撓好謀而成居業克敦其詩書受賜每陳于廊廡能推誠而撫下不伐已以拒人

委任中外咸著聲績夷險一貫隱然殿邦朕越
在郊垆偏于兇醜授之師律式是戎昭侍衛增
嚴斥侯無爽檢身齊衆同士伍之勞苦敦陣整
旅壯行列之威容靜以伐謀動而制勝臨危勵
節予有賴焉王圻之內沃壤千里綿亘商嶺屏
于南門觀風靖人詰禁誅暴俾爾兼領用孚于
休可京畿渭北渭南金商節度觀察處置等使
餘並如故

杜亞淮西節度使制

淮海與區一方都會兼水陸漕輓之利有澤漁
山伐之饒俗具五方地綿千里聿求良牧豈易
其才今又革車方興軍賦屢調體于寬大則事
缺務于辦集則人殘自非剛柔適中文武兼備
其何以副我憂屬惠綏南方正議大夫行尚書
刑部侍郎上柱國扶風縣開國男杜亞識精體
要學究宗源妙于用而有常通其變而能久爲
理敦教化之本立言參禮法之中道無礧礧行

有枝葉。回翔省闈。處彌綸。獻納之勤。踐歷方州。著清淨循良之稱。其嚴重可以鎮俗。其才術可以匡時。休有令聞。輝映朝列。朕以東南思乂。注意求賢。爰輟名臣。俾寧藩服。往率厥職。時惟欽哉。可揚州大都督府長史兼御史大夫。充淮南節度觀察處置等使。

虔王申光隨蔡等州節度使制

自昔哲王疆理天下。必選其明德。樹之宗親。參制藩維。夾輔王室。賢戚並建。時惟休哉。長淮之西。厥壤千里。人靡寧息。于茲有年。朕其永懷。慘若焚灼。思得良帥。代予安人。釋其危疑。彰我信惠。以親而授。其在于茲。開府儀同三司。虔王諒。性本溫恭。生知忠孝。祇服訓導。躬行不渝。言皆副誠。事必求當。端慎可以鎮俗。寬厚可以長人。底綏一方。庶允憂屬。可申光隨蔡等州節度副

大使管内觀察處置等使餘如故

唐朝臣振武節度論惟明鄜坊觀察使制
分命使臣。統臨方岳。弛張之道。蓋亦從宜。近旬
無虞。則但廉風俗。邊陲式遏。則兼假旌旄。名制
雖殊。委任俱重。膺是選命。莫非勲賢。開府儀同
三司。檢校兵部尚書。兼鄜州刺史。鄜州丹延等
州節度觀察處置等使。平樂郡王。唐朝臣。嘗總
偏師。邁于多難。仗義率衆。臨危不迴。保全關衝。
抗絕兇逆。守而能固。出則有功。每急病而讓夷。
嘗以寡而敵衆。竟殲大憝。克集茂勲。炳然貞心。

堅若金石，洎師旋歸，按俗頒條，軍旅慰安，流庸
悅附，奉天定難功臣，開府儀同三司，檢校工部
尚書，兼左金吾衛大將軍，克右街使，上柱國，建
康郡王，論惟明，釋位勤王，有赴難之節，扞城禦
寇，有持危之功，奉主忘身，棄家從國，越自郊甸，
再踰巴梁，險阻艱難，靡不陪扈，忠義所在，生死
以之久，司禁戎益茂，勲績器質，敦實識度，寬敏
通明，吏職練達，武經本之以循良，輔之以才術，
俾居藩翰，僉謂汝諧，朕以北控單于，國之巨鎮，

彼方戎帥沉痾是嬰，卧護邊軍，已淹寒暑，憫其
盡瘁，難以重煩。爰咨信臣，更踐厥職。朝臣可依
前檢校兵部尚書、兼單于大都護、御史大夫、克
振武、綏銀、鄜勝等州節度營田處置等兵藩落
等使、惟明、可依前檢校工部尚書、兼鄜州刺史、
御史大夫、克鄜坊丹延等都防禦觀察處置等
使、餘並如故。

新詩並吹姑

新出大夫其孤也丹或等情切樂隨秦與置膽

善於排側何於而劍對工情尚善燕德似陳史

或為絲娘懶懶等眠前爽營田或置善兵藩慈

前林赴兵將出季養律下夫情新情史大夫宜

透表裝以重雨安谷前日更起風潮贈田可游

郊衣去袖武風及漢相驚邊軍日極曉譽酬其

韓滉加檢校右僕射制

周制以輔翼之臣。出作方伯。漢官以牧守之最。擢拜公卿。其在匡時。中外同體。朕以大勞未乂。勤卹于黎元。多難薦興。注意于藩岳。就加命服。式寵能賢。則增秩進律。亦古之道也。金紫光祿大夫。檢校吏部尚書。使持節。潤州諸軍使。兼潤州刺史。御史大夫。克鎮江軍。浙江東西節度。觀察等使。韓滉。忠肅剛直。清公簡儉。持至公。以檢下。強禦必繩。秉大節。以事君。險艱無易。惠能恤。

衆明足照。姦歲發勤王之師。日增瞻國之賦。軍
無撓敗。俗以阜康。殿于大邦。理平訟息。朝有勸
典。昭升乃庸。胙土以報勤。懋官以旌德。底又江
甸。永孚于休。可檢校尚書右僕射。進封昌黎縣
開國公。餘如故。

嘉王橫海軍節度使制

度土分疆設官蒞事因時設制期在理安必順
物宜且從人欲版圖旣溢則疏邑以制州統攝
或乖則分部而建長公革之道亦何常哉滄海
之隅地饒俗阜隱然北土實曰雄藩鎮撫之宜
是資懿戚開府儀同三司嘉王運氣本元淳重
承先訓忠肅孝友寬仁惠和勤于服儒樂在爲
善施于事任必有可觀舉不失親至公斯在欽
率厥職永孚于休可橫海軍節度使滄景等州

觀察處置等使勳封如故

善哉平事封侯林有贈奉不夫贈至公祺公越

帝製隨歌肅恭受真分惠味健未期謝樂亦為

長資捷效開微辨同三何嘉王聖豫本長彰重

少酬賦給舒早烈然斗生實曰垂恭與職之宜

道華服余時請我身公幸之盛亦何常若余誠

必宜且於人海洲圖利益限無身以備休然雖

異土衣弊藉青冰率因執籍歸陳亦暨安必耶

燕王爵職軍前製謝師

馬燧李臯賜實封制

列爵以旌德，胙土以報功。國有彝章，是用褒勸。朕以不德，間逢多虞。蒲坂有叛亂之臣，淮沂有僭逆之帥。萬姓罹害，四方靡寧。奉誠軍節度兵馬元帥、檢校司徒、兼侍中馬燧，聞難之初，忠誠奮發，躬帥士旅，討茲不庭。畧地如歸，攻城必克。晉絳磁隰靡然，向風尤兇。勢窮竟就，梟戮清我。甸服。時惟茂勲，荆南節度觀察處置等使、檢校戶部尚書、嗣曹王臯，親率全軍，抗于強虜。晝夜

不息。迫于三年，謀成必臧。師出皆捷，復斬黃之
地，拔安陸之城，隱其威名，保又江漢，並著節于
國。存功于人，跡效炳然。僉議攸屬，雖懋官已序
而食賦未加，疇庸之科無乃有闕。宜其寵錫以
答殊休，燧可賜實封五百戶。通前七百戶，臯可
賜實封三百戶。

坡翁煥秀
宣公曲中
經濟文章
之別。

韓滉度支鹽鐵轉運等使制

食○貨○所○資○邦○家○大○本○總○領○之○重○必○推○元○臣○故○周○
以○冢○宰○制○國○用○漢○以○丞○相○調○軍○食○官○給○人○足○謂○
之○善○經○今○戶○口○凋○傷○財○產○衰○耗○邊○疆○未○靖○役○費○
尚○多○思○欲○均○厚○澤○之○征○權○重○輕○之○制○國○無○匱○乏○
人○不○怨○咨○運○籌○佐○時○其○在○良○輔○金○紫○光○祿○大○夫○
檢○校○尚○書○左○僕○射○同○中○書○門○下○平○章○事○充○鎮○海○
軍○浙○江○東○西○節○度○兼○江○淮○轉○運○等○使○晉○國○公○韓○
滉○管○事○先○朝○嘗○掌○邦○賦○貞○心○獨○立○一○志○在○公○吏○

李叔明右僕射制

行止兩全、必惟明哲、致其用以匡國、敦乎道以
保身、周旋令名、始終不替、斯賢者極致、而行之
實難、金紫光祿大夫、守太子少傅、檢校尚書右
僕射、持節梓州諸軍事、兼梓州刺史、御史大夫
克劍南東川節度副大使、知節度事、管內度支
觀察、處置等使、蘇國公李叔明、稟粹挺生、鬱爲
邦傑、虛懷朗暢、達識周通、早以器能、累更任遇
中外所踐、必聞休聲、嘗尹京師、姦豪屏息、洎臨

方岳、風俗澄清、吏服嚴明、人懷德惠、憂公奉職、
勵節存誠、服勞王家、行及三紀、以茲盡瘁、沉恙
所嬰、扶疾趨朝、披誠告老、固陳衰瘵、深戒滿盈、
情皆發衷、語且形泣、視其激切、良所軫懷、敦勸
旣頻、辭乞彌固、繼獻章疏、期于必從、省之撫然、
用增感歎、雖惜其舊德、往涖遐藩、而憫以高年、
難違懇志、猶資碩望、俾長庶寮、罷方鎮之煩、總
中臺之重、式彰尚德、且示優賢、可依前守太子
少傅、兼尚書右僕射、

李澄贈司空制

既明且哲以保其身。求之昔賢鮮克全備。良以
謀始匪易。慎終尤難。其有志奉公家。力輔王室。
見危而立節。將沒而陳誠。操尚堅明。謀猷深遠。
憂國無忘于顛沛。周身不離于令名。有臣如斯。
可以旌勸。故義成軍節度滑鄭等州觀察處置
等使。開府儀同三司。檢校尚書右僕射。兼滑州
刺史。御史大夫。上柱國。武威郡王李澄。天授將
材勇而多智。臨危不懼。見義必爲。崎嶇險艱。勳

節兼著，勤于廣業，曾未遑安，帶甲臨戎，連年野處，積勞成瘁，霜露所侵，疢疾攻中，癰疽發外，迨茲病亟，不替忠誠，憂國疚懷，戀闕流涕，懼軍戎之乏帥，念方鎮以爲虞，上表披陳，懇求代免，辭情激切，備慮精深，視之感傷，當寧興歎，雖史魚之陳尸納諫，吳漢之在疚獻謀，比方于此，不足多尚，天胡不容，奪我良帥，惻然嗟悼，用切深衷，始終存義，澄實有之，褒美飾終，是宜加等，可贈司空，賜物五百段，米粟三百石，以左散騎常侍

歸崇敬、克使弔祭、所緣喪葬、並准式官供、仍以
澄上表宣付史館、以彰忠節、

[Faint vertical text columns, likely bleed-through from the reverse side of the page]

讀書必以勤手
讀書必以勤手

除鄧州歸順官制

道以兇威陷于寇境。義不受污。忠能奮誠。履重
險而不同。處疾風而逾勁。忘軀徇義。獻款投誠。
足以勵彼勤王。激其汚俗。去逆效順。固先典之
攸嘉。懋賞勸功。驗彝章而不昧。咸從序用。俾服
官常。可依前件。

云

云

官常可於前封
云云

如慕戀賞憐也
劍彝章節不和
如於京田野眼
至以佩如健王
嬌其教於生並
效酬固表典之
劍而不回
烈風而無
輕法眼
而毒
爛煠
對精
血以
與
如
節
午
氣
聚
毒
不
受
也
忠
節
香
漸
真
重

淵澄賦
調和音

李納檢校司空制

鄭武公父子繼爲周司徒內居股肱外作藩翰
詩美緇衣之德傳稱夾輔之勲我懷斯人今得
良弼開府儀同三司檢校尚書右僕射同中書
門下平章事充平盧淄青節度管內度支營田
觀察處置陸運海運押新羅渤海兩蕃等使隴
西郡王李納字量宏博質性沉毅體仁能斷見
善必遷蘊非常之才守以純一秉難奪之節著
于艱危昭并令聞茂建勲績屬淮夷構亂東夏

陸宣公集
震騷奮旅。徂征坐籌。制勝解商丘之難。攘彼兇
殘。釋陳城之危。俘厥渠帥。德功克懋。官賞宜崇。
庸建上台。宜賜真食。惟乃先服。勤勞王家。以殿
邦之勲。叅論道之職。俾爾嗣績。光于前人。荷國
之寵章。承家之不構。敬慎厥德。永孚于休。可檢
校司空同中書門下平章事。仍賜實封五百戶。
餘並如故。

陸宣公集卷之九

終

陸宣公制誥卷之十

。賜李納王武俊等鐵券文

維興元元年歲次甲子正月癸酉朔二日甲戌
皇帝咨爾某官某嗚呼王者所以撫人失于所
撫則叛下者所以奉上失于所奉則刑各當其
理德用不擾各違其分亂于是生朕德薄化淺
昧于君道罔知省已姑務責人是以徵師徂征
連歲靡息惟爾以誠志之不達反仄于厥衷阻
衆興戎結黨拒命豈非上失于所撫而下失于

所奉歟。書曰：萬方有罪，罪在朕躬。我實不德，兆人何咎。俾廢其生業，離于室家，陷于困窮，死于戰陣，老疾廢養，孤嫠靡依，怨結蒼生，感傷和氣。朕爲人父母，得不愧於心哉。晨興以思，夕惕以悼。自嗣位迄今六載，天將悔禍，朕方覺悟。爾亦知衆心之厭亂，思所以保安。叶于朕懷，若應符契。非天地合德，人神合謀，將茂育羣生，則何以臻此。朕是用上順天意，俯從人心，滌爾疵瑕，復爾爵位。坦然靡阻，君臣如初。功載鼎彝，名藏玉

府子孫代代爲國勲臣。山河帶礪，傳祚無絕。朕
方布大信，承天子人。若食其言，何以享國。嗚呼。
其祗若命，用保無疆之休。

賜安西管內黃姓燾官鐵券文

維貞元二年歲次丙寅八月丁丑朔三日己未
皇帝若曰咨爾四鎮節度管內黃姓燾官驃騎
大將軍行左金吾衛大將軍員外置同正員兼
試太常卿頓啜護波支惟爾乃祖乃父代服聲
教勤勞王家勲書于鼎彝族列于藩籍爾克紹
先祖之烈而重之以忠貞嗣守職官祇若朝化
率其種落保我邊郵丹誠向化萬里如近是用
稽諸令典錫以券書若金之堅永代無變子孫

繼襲作我藩臣爾其欽承勿替休命

慰問四鎮北庭將吏勅書

四鎮北庭將士官吏僧道耆壽百姓自祿山首
亂中夏不安藩戎乘釁侵敗封畧道路梗絕往
來不通哀我士庶忽如異域控告無所歸還莫
從朕未嘗一夕忘懷而事勢不及相卹興言軫
念忽以涕流卿等咸蘊忠誠誓死不屈或早從
征鎮白首軍中或生在戎行長身塞外克奉正
朔堅保封疆援絕勢孤以寡敵衆晝夜勞苦不
得休息歲時捍禦不解甲冑勲高百戰義叶一

心介然孤城獨守臣節日來月往三十餘年奉
國之誠久而彌勵求諸今古忠烈莫儔義激人
倫名光史冊蠢動知感况于朕懷朕嗣守洪業
君臨宇宙思安兆庶以絕戰爭遂與贊普約定
好和集藩漢士庶告天地神祇設壇會盟永息
邊患疆場罷警于今六年近以賊臣朱泚背恩
驚犯宮闕贊普又遣師旅助討姦兇兩國交歡
事同一體北庭去此遙遠信使難通于西蕃既
非便宜在國家又絕來往永念士庶隔在殊方

歸路無因親戚永訣爲人父母實所感傷已共
西蕃定議兼立誓約應在彼將士官吏僧道耆
壽百姓等並放歸漢界仍累路置頓供擬發遣
待卿等進發然後以土地隸屬西蕃今故遣太
常少卿兼御史大夫沈房及中使韓朝彩等往
彼宣諭仍便與西蕃交割卿等宜遞相慰勉叶
力同心互相提携速圖進路復歸鄉井重見宗
親生人之情莫重於此一勞永逸固不合辭卿
等誠節昭宣勲闕茂著到此之後當時甄升仍

給田園以贍生業必令優厚用答忠勞如有資
產已成不願歸北亦任便住各遂所安宜勉良
圖副我勤想夏熱卿等各平安好遣書指不多
及

與回紇可汗書

皇帝敬問可汗弟，兩國和好，積有歲年，申之以
婚姻，約之以兄弟，誠信至重，情義至深。頃因賊
臣背恩，構成嫌釁，天不長惡，尋已誅夷，使我兄
弟恩好如舊。周皓及踏本、啜黑達于等至，得弟
來書，省覽久之，良以爲慰。弟天資雄傑，智識通
明，親仁善鄰，敦信明義，罷戰爭之患，弘禮讓之
風，保合太和，用寧區宇，惟茲盛美，何以加焉。朕
之素懷，與弟叶契，爲君之道，本務愛人，同日月

之照臨體天地之覆育其于廣被彼此何殊况
累代以來繼敦姻戚與弟俱承先業所宜遵奉
令圖自茲以還情契彌固垂之百代永遠無窮
緬想至誠當同此意所附蹈本啜本請降公主
姻不失舊頗叶通規待弟表到即依所請宣示
百寮擇日發遣緣諸軍兵馬收京破賊頻立功
勲賞給數多府藏虛竭其馬價物且付十二萬
疋至來年三月更發遣一般餘並續續支付弟
宜悉也安西北庭使人入奏並却歸本道至彼

宜差人送過令其速達弟所寄馬並到深愧厚
意

○賜吐蕃將書

勅尚覽鑠論莫陵悉繼等至省所陳奏朕具悉
之國家與大蕃親則舅甥義則隣接息人繼好
固是常規朕嗣位君臨思安兆庶常以信讓爲
事不以爭競爲心區域雖殊覆育寧別贊普天
資仁德好生惡殺與朕同心重修舊好會蕃漢
將相告天地神祇約誓之言至嚴至重大信一
立義無改移所請奉天盟書勒于清水碑石審
詳事理頗甚乖違往歲賊臣稱兵竊據城闕尚

結贊志惟嫉惡義在救災頻獻表章請收京邑
朕以宗廟社稷悉在上都但平寇戎豈惜酬賞
遂許四鎮之地以答收京之功旋屬炎蒸又多
疾疫大蕃兵馬便自抽歸既未至京有乖始望
奉天盟約豈合更論朕欲苟循彼情便令鐫刻
則是非務實信不由衷欺天罔神莫大于此凡
曰通好貴于推誠將垂百代之名豈顧一時之
利但以事之去就須定是非若不辨明便成姑
息親鄰之義豈所宜然故遣使臣與卿詳議卿

是大蕃輔佐必當智識通明。事理昭然不足疑
惑。倘有他見宜具奏聞。審細研窮。須歸至當所
論。先許每年與贊普絲絹一萬匹段者。本來立
約亦爲收京。然于舅甥之情。此乃甚爲小事。二
國和好卽同一家。此有所須。彼當不悛。彼有所
要。此固合供。以有均無益。是常理。贊普若須繒
帛。朕卽隨要支分多少之間。豈拘定限。假使踰
于萬匹。亦當稱彼所求。朕之所重者。信誠所輕
者。財利。思與率土同臻。太和想卿深體至公務。

有大義。安人保境。垂美無窮。勉思令圖。以副朕意。今遣倉部郎中兼侍御史趙聿與來使同往。書中意有不盡。並令趙聿口宣。尚結贊論莽羅等。嘗總師徒。遠來赴難。功雖未就。義則可嘉。其所領將士等。朕先許與賜物一萬匹段。並已排比。許卿所商量指定。此使却回。卽發遣往。今各賜卿少物。至宜領之。

賜吐蕃宰相尚結贊書

勅尚結贊卿天資材術作輔大蕃識通古今志
奉忠信義聲著積遠近流傳比聞入典樞衡近
知還總戎務二國所定和好首末是卿商量得
卿却來深以爲慰昨者邊軍狀奏彼國兵馬踰
越封疆朕以畫界立盟先有定分贊普素敦仁
義卿又特稟純誠背約侵漁必無此理但勅邊
城自備不令輒動干戈若使效尤恐成交惡初
疑界首遊奕少有乖宜不謂大發師徒漸加侵

軌興兵動衆必合有名蕃軍此行未測其故朕
自嗣膺寶位卽與贊普通和敦以舅甥結爲鄰
援懲戰爭之弊知禮讓之風彼此大同務安衆
庶乃于境上建立壇場契約至明誓詞至重告
于皇天后土諸物百神有渝此盟殃及其國朕
敬奉誠約分毫不移信使交歡歲時無絕碑文
具在可以明徵豈有一事不行一言不信頃令
趙聿專往近方從彼却回兼聞彼蕃使同來至
今獨在道路卿所論奏朕並未知待詳事由乃

可商議。既稱和好。理絕相疑。未合輕舉甲兵。便
踰境界。盟誓之語。忽焉如遺。天地神明。豈其可
罔。卿智識明達。朕所深知。頃年猶舉義師。救此
災患。今豈不存大信。遂棄令名。故專遣使。見卿。
欲得審知來意。竚聞還奏。以副所懷。趙聿及蕃。
使合到待覽表。中意旨。續卽商量報卿。卿涉遠
而來。當甚勞頓。今賜卿某物。至宜領之。秋冷。卿
比平安好。將士並存問之。

太平天賦殊山並亦開之

而本當其幾與今微際其始至宜於多於公

與合推新翼未中意皆無明簡量辨職職家

新爵皆依來宜若開製泰以備無難故非及

次惠今豈不若夫新登樂令合此事數好快

而惟皆備即對湖和彩映那爭辦舉義朝外

與與吳盤誓之請慈語以與天與極則登其

不爾若因聲絲其也聲其城未存因果中

○ 賜尚結贊第二書

趙聿及論拱熱等至得卿表奏具見懇誠省覽
言辭卽稱和好及覩事跡唯務侵凌矛楯若斯
將何取信審察書中之意蓋求四鎮北庭如此
事宜足得商議旣言通好理絕相疑未合輕舉
甲兵便踰境界盟誓之語忽焉如遺天地神祇
豈其可罔又聞放縱兵馬蹂踐禾苗邊境之人
大遭驅掠在此未爲深損于彼殊非遠謀卿之
用心何乃至是國家利害計須久長和好之道

既○虧○仁○義○之○風○何○在○卿○智○識○明○悟○朕○所○深○知○頃
年○猶○發○義○師○救○此○災○患○今○豈○不○存○大○信○遂○棄○令
名○故○遣○使○見○卿○欲○得○審○知○來○意○必○若○守○其○盟○誓
務○在○同○和○卽○收○歛○兵○車○速○歸○本○界○所○掠○百○姓○一
切○放○回○然○後○可○表○卿○直○心○信○卿○來○奏○續○卽○遣○使
與○論○拱○執○同○往○諸○事○並○有○商○量○交○歡○必○令○得○所
或○密○懷○他○意○將○欲○別○謀○彼○雖○未○說○實○情○此○亦○畧
爲○准○擬○但○緣○誓○約○本○重○朕○意○不○欲○先○違○以○此○勤
勤○合○有○相○問○佇○聞○來○奏○以○副○朕○懷○

○賜尚結贊第三書

勅尚結贊蕃使論拱熱等與趙聿同列卿所陳
奏朕具悉之誠意勤勤志敦和好上以成舅甥
之義次以結鄰援之歡外以彰禮讓之風內以
息戰爭之患兼此數事昔賢所難非卿材越等
倫識通今古豈能匡輔大國弘宣遠圖施美利
于當時傳盛名于不朽眷懷明畧歎尚良多然
以贊普來書務于叶睦卿之所奏亦貴通和初
覽其言實嘉德義及觀其事頗訝乖違以卿賢

再四褒獎
鼓舞不倦

明。朕所信重。棄義踰約。討必不然。未測事由。因何至此。頃年所定和好言約。頗謂分明。至如四鎮北庭。元不割與蕃國。及朱泚悖逆。作亂上都。卿仗義興師。請收京邑。遂許四鎮北庭之地。將以報答成功。旋屬炎蒸。蕃軍便退。奉天之約。豈可更論。事甚分明。固無疑惑。凡言結好。所貴和同。通體商量。有何不可。大蕃必若要四鎮北庭之地。卽合直以情言。彼但露其誠心。此亦自有分義。豈假曲徵。前事廣起。異端仍發。師徒務張。

中有定謀。
非一意卑
屈。

威勢蕃使猶未至此。春軍早已越疆。或稱欲自
赴朝。或云更定言誓。既虧盟約。且失禮儀。言與
事垂。將何取信。夫人君立國。必不徒然。惟漢與
蕃各受天命。勝負各有定分。強弱寧由力爭。卿
欲以衆相侵。以威相脅。謂天地可罔。謂盟誓可
渝。卽當肆意所爲。不必更論和好。倘欲守其前
約。敦以親鄰。夫就之間。固宜有禮。遣使來往。足
得商量。張皇師徒。是何道理。和好者。禮義之事。
甲兵者。爭奪之由。二端懸殊。理不並用。今欲以

用○兵○之○勢○定○和○好○之○辭○事○必○不○成○縱○成○何○益○卿
識○見○通○敏○器○宇○沉○詳○如○此○事○宜○不○言○可○悉○未○知
來○意○竟○擬○如○何○且○首○末○論○和○是○卿○商○議○清○水○會
盟○之○日○卿○又○親○發○誓○辭○將○期○去○殺○好○生○修○文○偃
武○永○安○兆○庶○垂○法○子○孫○天○下○稱○嗟○以○爲○盛○美○未
經○數○歲○遽○有○變○移○非○獨○見○誚○於○四○方○亦○將○取○笑
於○千○古○以○此○思○度○甚○欲○通○和○彼○雖○小○有○侵○陵○朕
亦○未○卽○交○惡○故○遣○某○官○與○卿○更○審○籌○量○卿○若○必
務○同○和○更○無○他○意○卽○宜○便○歸○本○界○遣○使○具○述○本

情所須。四鎮北庭。朕當自有推議。如或託稱。繼好。志在別圖。依前縱兵。不卽歸國。惟利是視。亦識彼懷和。與不和於茲。決定書中事。有不盡。並令某官來口宣。宜令速回。踰望來奏。所獻方物。深表遠誠。今賜卿某物。至可領也。秋冷。比平安好。

陸宣公集卷之十

終

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公集卷之十

陸宣公奏草卷之十二

論關中事宜狀

有本之學

真宰相他
人言之神
使不旺

右臣頃覽載籍每至理亂廢興之際必反覆叅
考究其端由與理同道用不興與亂同趨罔不
廢此理之常也其或措置不異安危則殊此時
之變也至於君人大柄立國有大權得之必
疆失之必弱是則歷代不易百王所同夫君人
之柄在明其德威立國之權在審其輕重德與
威不可偏廢也輕與重不可倒持也蓄威以昭

德偏廢則危。居重以馭輕。倒持則悖。恃威則德
喪於身。取敗之道也。失重則輕。移諸已。啓禍之
門也。陛下天錫勇智。志期削平。忿茲昏迷。整旅
奮伐。海內震疊。莫敢寧居。此誠英主撥亂拯物
不得已而用之。然威武四加。非謂蓄美所可兢
兢。保惜慎守而不失者。惟居重馭輕之權耳。陛
下又果於成務。急於應機。竭國以奉軍。傾中以
資外。倒持之勢。今又似焉。臣是以疚心如狂。不
覺妄發。輒踰顧問之肯。深測憂危之端。此臣之

愚於自量而忠於事主之分也。古人所謂愚夫
言之而明主擇之。惟陛下幸留聽焉。臣聞國家
之立也。本大而末小。是以能固。又聞理天下者。
若身之使臂。臂之使指。則小大適稱而不悖焉。
身所以能使臂者。身大於臂故也。臂所以能使
指者。臂大於指故也。王畿者。四方之本也。京邑
者。又王畿之本也。其勢當令京邑如身。王畿如
臂。四方如指。故用則不悖。處則不危。斯乃居重
馭輕。天子之大權也。非獨爲御諸夏而已。抑又

有鎮撫戎狄之術焉。是以前代之制。轉天下租
稅。委之京師。徙郡縣豪傑。處之陵邑。選四方壯
勇。實之邊城。其賦役則輕。近而重。遠也。其惠化
則悅。近以來。遠也。太宗文皇帝。既定大業。萬方
底乂。猶務戎備。不忘慮危。列置府兵。分隸禁衛。
大凡諸府八百餘所。而在關中者。殆五百焉。舉
天下不敵關中。則居重馭輕之意。明矣。承平漸
久。武備寢微。雖府衛具存。而卒乘罕習。故祿山
竊倒持之柄。乘外重之資。一舉消天。兩京不守。

尚賴經制。頗存典刑。疆本之意。則忘。沿邊之備。猶在。加以諸牧有馬。每州有糧。故肅宗得以爲資。中復興運。乾元之後。大憝初夷。繼有外虞。悉師東討。邊備旣弛。禁戍亦空。吐蕃乘虛。深入爲寇。故先皇帝莫與爲禦。避之東遊。是皆失居重。馭輕之權。忘深根固柢之慮。內寇則峭函失險。外寇則河渭爲戎。于斯之時。朝市離析。事變可慮。須臾萬端。雖有四方之師。寧救一朝之患。陛下追想及此。豈不爲之寒心哉。尚賴宗社威靈。

先皇仁聖，攘却醜類，再安宸居，城邑俱全，宮廟
無賈，此又非常之幸，振古所未聞焉。足以見天
意之於皇家，保佑深矣。故示大儆，將弘永圖。陛
下誠宜上副玄心，下察時變，遠考前代成敗，近
鑒國朝盛衰，垂無疆之休，建不拔之業。今則勢
可危慮，又甚於前，伏惟聖謀已有成算，愚臣未
達，敢獻所憂。先皇帝還自陝鄂，懲艾往事，稍益
禁衛，漸修邊防。是時關中有朔方，涇原，隴右，三
帥以扞西戎，河東有太原，全軍以控北虜。此四

軍者皆聲勢雄盛。士馬精強。又徵諸道戍兵。每歲乘秋備塞。尚不能保固。封守。遇其奔衝京師。戒嚴比比。而有陛下。嗣膺寶位。威懾殊鄰。蠢茲昆夷。猶肆毒蠱。舉國來寇。志吞岷梁。貪冒既深。覆亡幾盡。遂求通好。少息交侵。蓋緣馬喪兵疲。務以計謀相緩。固非畏威懷德。必欲守信結和。所以歷年優柔。竟未堅定。要約息兵。稍久。育馬漸蕃。必假小事。忿爭。因復大肆。侵掠張光晟。又於振武誘殺羣胡。自爾以來。絕無虜使其爲嫌。

怨足可明徵借如吐蕃實和回紇無憾戎狄貪詐乃其常情苟有便利可窺豈肯端然自守今朔方太原之衆遠在山東神策六軍之兵繼出關外儻有賊臣啗寇黠虜窺邊伺隙乘虛微犯亭障此愚臣所竊爲憂者也未審陛下其何禦之側聞伐叛之初議者多易其事僉謂有征無戰役不逾時計兵未甚多度費未甚廣於事爲無擾於人爲不勞曾不料兵連禍拏變故難測日引月長漸垂始圖故前志以兵爲凶器戰爲

危事。至戒至慎。不敢輕用之者。蓋爲此也。當勝而反敗。當安而倒危。變亡而爲存。化小而成大。在覆掌之間耳。何可不畏而重之乎。近事甚明。足以爲鑒。往歲爲天下所患。咸謂除之則可致昇平者。李正己。李寶成。梁崇義。田悅是也。往歲爲國家所信。咸謂任之則可除禍亂者。朱滔。李希烈是也。旣而正己死。李納繼之。寶臣死。惟岳繼之。崇義卒。希烈叛。惟岳戮。朱滔攜。然則往歲之所患者。四去其三矣。而患竟不衰。往歲之所

信者。今則自叛矣。而又難保。是知立國之安危。在勢。任事之濟否。在人。勢苟安。則異類同心也。勢苟危。則舟中敵國也。陛下豈可不追鑒往事。惟新令圖。循偏廢之柄。以靖人。復倒持之權。以固國。而乃孜孜汲汲。極思勞神。徇無已之求。望難必之効。其於爲人除害之意。則已至矣。其爲宗社自重之計。恐未至焉。自頃將帥徂征。久未盡敵。苟以藉口。則請濟師。陛下乃爲之輟邊軍。缺環衛。虛內廐之馬。竭武庫之兵。占將家之子。

以益師賦私養之畜以增騎猶且未戰則曰乏財陛下又爲之算室廬貸商買傾司府之幣設請權之科關輔之聞徵發已甚宮死之內備衛不全萬一將帥之中又如朱滔希烈或負固邊壘誘致豺狼或竊發郊畿驚犯城關此亦愚臣所竊爲憂者也。未審陛下復何以備之以陛下聖德君臨率土欣戴非常之慮豈所宜言然居安備危哲王是務以言爲諱中主不行若備之已嚴則言亦何害儻忽而未備又安可勿言臣

是以罄陳狂愚無所諱避。罔敢以中主不行之
事。有虞於聖朝也。惟陛下熟察之。過防之。且今
之關中。卽古者邦畿千里之地也。王業根本於
是。在焉。秦嘗用之。以傾請侯。漢嘗因之。以定四
海。蓋由憑山河之形。勝宅田里之上。腴弱則內
保。一方當天下之半。可以養力俟時也。強則外
制。東夏據域中之大。可以蓄威昭德也。豪勇之
在關中者。與籍於營衛不殊。車乘之在關中者。
與列於廐牧不殊。財用之在關中者。與貯於帑。

藏不殊有急而須一朝可聚今執事者先拔其
本棄重取輕所謂倒持大阿授人以柄議制置
則疆幹弱枝之術反語綏懷則悅近來遠之道
乖求諸通方無適而可顧臣庸懦竊爲陛下惜
之往者不可追來者猶可補臣不勝懇懇憂國
之至輒敢效其狂鄙以備采擇之一端陛下儻
俯照微誠過聽愚計使李況援東洛懷光救襄
城希烈兇徒勢必退衄則所遣神策六軍士馬
及點召節將子弟東行應援者悉可追還河北

既有馬燧抱真固亦無藉李晟亦令旋旆完復
禁軍明勅涇隴邠寧但令嚴備封守仍云更不
徵發使知各保安居又降德音勞徠畿甸具言
京輦之下百役殷繁且又萬方會同諸道朝奏
卹勤懷遠理合優容其京城及畿縣所稅間架
榷酒抽貫貸商點召等請如此類一切停罷則
冀已輸者弭怨見處者獲寧人心不搖邦本自
固禍亂無從而作朝廷由是益尊然後可以度
時宜施教令弛張自我何有不從端本整禁無

易于此謹奏

陸宣公集卷之八

陸宣公集卷之八

陸宣公集卷之八

陸宣公集卷之八

陸宣公集卷之八

陸宣公集卷之八

陸宣公集卷之八

陸宣公集卷之八

陸宣公集卷之八

●論兩河及淮西利害狀

內侍朱冀寧奉宣進旨緣兩河寇賊未平沴又
淮西兇黨攻逼襄城卿識古知今合有良策宜
其陳利害封進者臣質性凡鈍聞見陋狹幸因
乏使簪組升朝薦承過恩文學入侍每自奮勵
思酬獎遇感激所至亦能忘身但以越職干議
典制所禁未信而言聖人不尚是以循循默默
尸居榮近日日以愧自春徂秋心雖懷憂言不
敢發此臣之罪也亦臣之分也陛下天縱聖德

神授英謀，明照八表。思周萬務，猶慮闕漏。下詢芻蕘，此堯舜舍己從人、好問而好察、邇言之意也。臣每讀前史，見開說納忠之士，乃有泣血碎首、牽裾斷鞅者，皆以進議見拒，懇誠激忠，遂至發憤踰禮而不能自止故也。況今勢有危迫，事有機宜，當聖主開懷訪納之時，無昔人逆鱗、顛沛之患。儻又上探微旨，慮匪悅聞，傍懼貴臣將為沮議，首尾憂畏，前後顧瞻，是乃偷合苟容之徒，非有扶危救亂之意。此愚臣之所痛心切齒。

於既往是以不忍復躬行於當世也。心蘊忠憤，固願披陳職居禁闈，當備顧問承問而對。臣之職也。寫誠無隱，臣之忠也。謹具件如後。惟明主循省而備慮之，豈有微臣獨荷容納之恩，實億兆之幸，社稷之福也。臣本書生不習戎事，竊惟霍去病漢將之良者也。每言行軍用師之道，顧方畧何如耳。不在學古兵法，是知兵法者無他見。其情而通其變，則得失可辨，成敗可知。古人所以坐籌樽俎之間，制勝千里之外者，得此道。

也。臣才不逮古人，而頗窺其意，是敢承認不默。輒陳狂愚，伏以尅敵之要在乎將得其人，馭將之方在乎操得其柄。將非其人者，兵雖衆不足恃。操失其柄者，將雖材不爲用。兵不足恃，與無兵同。將不爲用，與無將同。將不能使兵，國不能馭將，非止費財翫寇之弊，亦有不戢自焚之災。自昔禍亂之興，何嘗不由於此。今兩河淮西爲叛亂之帥者，獨四五凶人而已。尚恐其中或有傍遭詿誤，內蓄危疑，蒼黃失圖，勢不得止，亦未

必皆是處心積慮果爲姦逆以僭帝稱王者也。况其餘衆蓋並脅從苟知全生豈願爲惡。若招携以法悔禍以誠使來者必安安者必來斯道積著人誰不懷縱有野心難馴臣知其從化者必過半矣。舞干苗格豈獨虛言假使四五兇渠俱稟梟鳴之性其下同惡復有十百相從是皆卒伍庸流闖茸下品其志好不過聲色財貨之樂其材用不過蹴鞠距踴之能其約從締交則迭相侮詐以爲智謀其御衆使人則例質妻孥

以爲術數。斯乃盜竊偷安之伍。非有奸雄特異之資。以陛下英神志期平壹。君臣之勢不類。逆順之理不侔。形勢之大小不倫。師徒之衆寡不敵。然尚曠歲持久。師老費財。加算不止於舟車。徵卒殆窮於閩濮。答肉捶骨。呻吟里閭。送父別夫。號呼道路。杼軸已甚。輿發已殫。而將帥者尚曰財不足。兵不多。此微臣所以千慮百思。而不悟其理也。未審陛下嘗徵其說。察其由乎。股肱之臣。日月獻納。復爲陛下察其事乎。臣愚無知。

實所深惑。遂乃過爲臆度。輒肆討論。以爲尅敵之要。在乎將得其人。馭將之方。在乎操得其柄。將非其人者。兵雖衆。不足恃。操失其柄者。將雖材。不爲用。今以陛下效其明聖。羣帥畏威。雖萬無此虞。然亦不可不試。省察也。陛下若謂臣此說。蓋虛體爾。不足徵焉。臣請復爲陛下效其明徵。以實前說。田悅唱亂之始。氣盛力全。恒趙齊。迭爲唇齒。陛下特詔馬燧。委之專征。抱真李芑。聲勢相援。于時士吏畏法。將帥感恩。俱蘊勝

殘盡敵之誠。未有爭功邀利之釁。故能累摧堅陣。深抵窮巢。元惡幸脫於俘囚。兇徒幾盡於鋒刃。臣故曰。剋敵之要在乎將得其人。馭將之方在乎操得其柄。此其明效也。田悅既敗。力屈勢窮。且皆離心。莫有固志。乘我師勝捷之氣。躡亡虜傷夷之餘。比於前功。難易百倍。既而大軍遂駐。遺孽復安。其後餽運日增。師徒日益。于茲再稔。竟不交鋒。量兵力則前者寡。而今者多。議軍資則前者薄。而今者厚。論氣勢則前者新。集而

今者乘勝度攻。其則前者草創而今者繕完。計
兇黨則前者盛而今者殘。揣敵情則前者銳而
今者挫。然而勢因時變。事與理乖。當易而反難。
當進而中止。本末殊趣。前後易方。順理之常。必
不如此。臣故曰將非其人者。兵雖衆。不足恃。操
失其柄者。將雖材。不爲用。此自昔必然之效。但
未審今茲事實。得無近於此乎。在陛下熟察而
亟救之耳。固不在益兵以生事。加賦以殄人。無
紓目前之虞。或興意外之患。人者邦之本也。財

者。人。之。心。也。兵。者。財。之。蠹。也。其。心。傷。則。其。本。傷。
其。本。傷。則。枝。幹。顛。瘁。而。根。柢。廢。拔。矣。惟。陛。下。重。
慎。之。愍。惜。之。今。師。興。三。年。可。謂。久。矣。稅。及。百。物。
可。謂。繁。矣。陛。下。爲。之。宵。衣。旰。食。可。謂。憂。勤。矣。海。
內。爲。之。行。齋。居。送。可。謂。勞。敝。矣。而。寇。亂。有。益。翦。
滅。無。期。人。搖。不。寧。事。變。難。測。是。以。兵。貴。拙。速。不。
尚。巧。遲。速。則。乘。機。遲。則。生。變。此。兵。法。深。切。之。誠。
往。事。明。著。之。驗。也。夫。投。膠。以。變。濁。不。如。澄。其。源。
而。濁。變。之。愈。也。揚。湯。以。止。沸。不。如。絕。其。薪。而。沸。

正之速也。是以勞心於服遠者，莫若修近而其
遠自來。多方以救失者，莫若改行而其失自去。
若不靖於本而務救於末，則救之所爲，乃禍之
所起也。修近之道，改行之方，易於舉毛。但在陛
下。然之與否耳。儻或重難易制，姑務持危，則當
較禍患之重輕，辨攻守之緩急。臣謂幽燕恒魏
之寇勢，緩而禍輕。汝洛滎汴之虞，勢急而禍重。
緩者宜圖之以計，今失於屯戍太多。急者宜備
之以嚴，今失於守禦不足。何以言其然也。自胡

羯稱亂。首起薊門。中興已來。未暇芟蕩。因其降
將。卽而撫之。朝廷置河朔於度外。殆三十年矣。
非一朝一夕之所急也。田悅累經覆敗。氣沮勢
羸。偷全餘生。無復遠畧。武俊蕃種。有勇無謀。朱
滔卒材多疑少決。皆受田悅誘陷。遂爲猖狂出
師。事起無名。衆情不附。進退遑惑。內外防虞。所
以纔至魏郊。遽又退歸。巢穴意在自保。勢無他
圖。加以洪河太行。禦其衝。并汾洛潞。壓其腹。雖
欲放肆。亦何能爲。又此郡兇徒。互相劫制。急則

合力退則背憎是皆苟且之徒必無越軼之患
此臣所謂幽燕恒魏之寇勢緩而禍輕希烈忍
於傷殘果於吞噬據蔡許富全之地益鄧襄鹵
獲之資意殊無厭兵且未弼東寇則轉輸將阻
北窺則都城或驚此臣所謂汝洛滎汴之虞勢
急而禍重代朔邠靈之騎士自管之精騎也上
黨盟津之步卒當今之練卒也悉此疆勁委之
山東勢分於將多財屈於兵廣以攻則曠歲不
進以守則數倍有餘各懷顧瞻遞欲推倚此臣

所謂緩者宜圖之以計。今失於屯戍太多。李勉以文吏之材當浚郊奔突之會。哥舒曜以烏合之衆捍襄野豺狼之羣。陛下雖連發禁軍以爲繼援。累勅諸鎮務使協同。睿旨殷憂。人思自效。但恐本非素習。令不適從。奔鯨觸羅倉卒難制。首鼠應敵。因循莫前。此臣所謂急者宜備之。以嚴。今失於守禦不足。陛下若察其緩急。審其重輕。使懷光帥師救襄城之圍。李芑還鎮爲東都之援。汝洛旣固。梁宋亦安。是乃取有餘。救不足。

德宗削平

之志甚殷

病在急字

敬輿令他

徐觀事勢

妙藥

罷關右賦車籍馬之擾。減山東飛芻輓粟之勞。無擾則禍亂不生。息勞則物力可濟。非止排難於變切。亦將防患於未然。徵發既停。守備且固。足得徐觀事勢。更選良圖。此於紓亂解紛。抑亦計之次也。議者若曰。河朔羣盜尚未殲夷。儻又減兵。必更生患。此蓋好異不思之說耳。臣請有以詰之。前歲伐叛之初。唯馬燧抱真李芄三帥而已。以攻必克。以戰必疆。是則力非不足。明矣。洎遲留不進。乃請益師。於是選神策銳卒以繼。

之。而李晟往矣。猶曰未足。復請益師。於是徵朔
方全軍以赴之。而懷光往矣。幾遣加半之戍。竟
無分寸之功。是則師不在衆。又明矣。然而可託
以爲解者。必曰王師雖益。賊黨亦增。曩獨田悅
竇臣。今兼朱滔武俊。臣請更詰以塞其辭。曩之
田悅竇臣。皆蓄銳養謀。劇賊之方疆者也。尋而
田悅喪敗。竇臣殲夷。雖復朱滔武俊加於前。亦
有孝忠。日知乘其後。是則賊勢不滋於曩日。王
師有溢於昔時。又明矣。曩於太原澤潞河陽三

將之衆當田悅朱滔武俊三寇之兵今朱滔遁
歸武俊退縮唯此田悅假息危城設使我師悉
歸彼亦纔能自守况留抱真馬燧足得觀釁討
除是則減兵東征勢必無患又明矣留之則彼
爲冗食徙之則此得長城化危爲安息費從省
舉一而兼數利惟陛下圖之謹奏

陸宣公集卷之十一

終

新亦成矣。其本也。不。以。世。之。所。判。不。蓋。言。及。

則。亦。成。矣。其。本。也。不。以。世。之。所。判。不。蓋。言。及。

以。吾。君。之。勤。不。必。以。世。之。所。判。不。蓋。言。及。

本。之。所。判。不。蓋。言。及。其。本。也。不。以。世。之。所。判。不。蓋。言。及。

新。亦。成。矣。其。本。也。不。以。世。之。所。判。不。蓋。言。及。

則。亦。成。矣。其。本。也。不。以。世。之。所。判。不。蓋。言。及。

以。吾。君。之。勤。不。必。以。世。之。所。判。不。蓋。言。及。

本。之。所。判。不。蓋。言。及。其。本。也。不。以。世。之。所。判。不。蓋。言。及。

新。亦。成。矣。其。本。也。不。以。世。之。所。判。不。蓋。言。及。

陸宣公奏草卷之十二

○論叙遷幸之由狀

臣前日蒙恩召見陛下，叙說涇原叛卒驚犯宮闕，及初行幸之事，因自剋責，辭旨過深。臣奏云：陛下引咎在躬，誠堯舜至德之意。臣竊有所見，以爲致今日之患者，羣臣之罪也。陛下又曰：卿以君臣之禮，不忍歸過于朕，故有此言。然自古國家興衰，皆有天命。今遇此厄運，雖則是朕失德，亦應事不由人。未及對詔之間，陛下遂言及

宗、祧、涕、泗、交、集、主、憂、臣、憤、人、理、之、常、情、激、于、衷、
不、覺、嗚、咽、旋、屬、游、環、請、對、臣、言、未、獲、畢、辭、今、輒、
上、煩、以、盡、愚、懇、臣、所、謂、致、今、日、之、患、是、羣、臣、之、
罪、也、非、敢、徒、飾、浮、說、苟、寬、聖、懷、事、皆、有、由、言、庶、
可、復、自、胡、羯、稱、亂、遺、患、未、除、朝、廷、因、循、久、務、容、
養、事、多、僭、越、禮、闕、會、朝、陛、下、神、武、統、天、將、壹、區、
宇、乃、命、將、帥、四、征、不、庭、兇、渠、稽、誅、逆、將、繼、亂、兵、
連、禍、結、行、及、三、年、興、師、四、方、無、遠、不、暨、父、子、訣、
別、夫、妻、分、離、一、人、征、行、十、室、資、奉、居、者、有、餽、送、

之○苦○行○者○有○鋒○刃○之○憂○去○留○騷○然○而○閭○里○不○寧○
矣○聚○兵○日○衆○供○費○日○多○常○賦○不○克○乃○令○促○限○促○
限○纔○畢○復○命○加○徵○加○徵○旣○殫○又○使○別○配○別○配○不○
足○于○是○權○算○之○科○設○率○貸○之○法○興○禁○防○滋○章○條○
目○纖○碎○吏○不○堪○命○人○無○聊○生○農○桑○廢○于○徵○求○膏○
血○竭○于○笞○箠○市○井○愁○苦○室○家○怨○咨○兆○庶○嗷○然○而○
郡○邑○不○寧○矣○邊○陲○之○戍○用○保○封○疆○禁○衛○之○師○以○
備○巡○警○二○者○或○闕○則○生○戎○心○國○之○大○防○莫○重○于○
此○陛○下○急○于○靖○難○累○遣○東○征○邊○備○空○虛○親○軍○寡○

弱。尋又搜閱私牧以取馬。薄責將家以出兵。凡有私牧者。例元勲貴戚之門。所謂將家者。皆統帥。岳牧之後。是乃嘗蒙親委。或著忠勞。復除征徭。固有常典。今忽奪其畜牧。享其子孫。有乞假以給資裝。有破產以營卒乘。道路悽憫。部曲感傷。貴位崇勲。孰不解體。加以聚歛之法。轂下尤嚴。邸第侯王。咸輸屋稅。禪販夫婦。畢算緡錢。貴而不見優。近而不見異。其爲憤感。又甚諸方。誅求轉繁。庶類恐懼。興發無已。羣情動搖。朝野囂。

然而京邑關畿不寧矣。陛下又以百度弛廢，志期肅清，持義以掩恩，任法以成理，神斷失于太速，睿察傷于太精，斷速則寡恕于人，而疑似之間不容辯也。察精則多猜于物，而臆度之際未必然也。寡恕則重臣懼禍，反側之釁易生。多猜則羣下防嫌，苟且之風漸扇。是以叛亂繼起，怨讟並興，非常之虞億兆同慮。惟陛下穆然凝邃，獨不得聞，至使克卒鼓行，白晝犯闕，重門無結，草之禦環衛，無誰何之人。自古禍變之興，未有

若斯之易。豈不以乘我間隙。因人攜離哉。陛下
有股肱之臣。有耳目之任。有諫諍之列。有備衛
之司。見危不能竭其誠。臨難不能効其死。所謂
致今日之患。是羣臣之罪者。豈徒言歟。聖旨又
以家國興衰。皆有天命。今遇此厄運。應不由人
者。臣志性介劣。學識庸淺。凡是占算秘術。都不
涉其源流。至于興衰大端。則嘗聞諸典籍。書曰
天視自我人視。天聽自我人聽。又曰德惟一。動
罔不吉。德二三。動罔不凶。惟吉凶不僭在人。惟

天降災祥在德。又曰天難忱，命靡常。常厥德，保厥位，厥德靡常，九有以亾。此則天所視聽皆因于人。天降災祥皆考其德，非于人事之外，別有天命也。故祖伊責紂之辭曰：我生不有命在天。武王數紂之罪曰：吾有命罔懲其侮。此又捨人事而推天命必不可之理也。易曰：自天祐之，吉無不利。仲尼以爲祐者助也，天之所助者順也。人之所助者信也，履信思乎順，又以尚賢，是以自天祐之，吉無不利。又曰：危者安其位者也，亾

者保其存者也。亂者有其理者也。故君子安而
不忘危，存而不忘亡，理而不忘亂。是以身安而
國家可保。又曰：視履考祥，又曰：吉凶者，得失之
象也。夫易之爲書，窮變知化，其于性命，可謂研
精及乎論天人祐助之由，辯安危理亂之故，必
本于履行得失而吉凶之報象焉。此乃天命由
人，其義明矣。春秋傳曰：禍福無門，唯人是召。又
曰：人受天地之中以生，所謂命也。是以有動作
威儀禮義之則，以定命。能者養之以福，不能者

敗以取禍。禮記引詩而釋之曰：大雅云：殷之未
喪師，克配上帝。儀監于殷，駿命不易。言得衆則
得國，失衆則失國也。又引書而釋之曰：康誥云：
惟命不于常，言善則得之，不善則失之。此則聖
哲之意。六經會通皆言禍福由人，不言盛衰有
命。蓋人事著于下，而天命降于上，是以古者有得
失，而命有吉凶。天人之間，影響相準。詩書已後，
史傳相承，理亂廢興，大畧可記。人事理而天命
降，亂者未之有也。人事亂而天命降，康者亦未

之有也。六經之教。既如彼。歷代明驗。又如此。尚
恐其中。有可疑者。臣請復以近事證之。自頃征
討。頗頻。刑網稍密。物力竭耗。人心驚疑。如居風
濤。洶洶靡定。上自朝列。下達烝黎。日夕族黨聚
謀。咸憂必有變故。旋屬涇原叛卒。果如衆庶所
虞。京師之人。動逾億計。固非悉知。算術皆曉。占
書則明。致寇之由。未必盡關天命。伏惟陛下鑒
既往之淡失。建將來之令圖。拯宗社。阽危。刷億
兆。憤耻。在于審察時變。博詢人謀。王化聿修。天

祐自至。恐不宜推引厄運。謂爲當然。撓追咎之
誠。沮惟新之望。臣聞理或生亂。亂或資理。有以
無難而失守。有因多難而興邦。理或生亂者。恃
理而不修也。亂或資理者。遭亂而能懼也。無難
失守者。忽萬機之重。而忘憂畏也。多難興邦者。
涉庶事之艱。而知勅慎也。今生亂失守之事。則
旣往不可復追矣。其資理興邦之業。在陛下勉
勵而謹修之。當至危至亂之機。得其道則興。失
其道則廢。其間不容復有所悔也。惟陛下勤思

焉。孰計焉。捨已以從衆焉。違欲以遵道焉。遠儉
佞而親忠直焉。推至誠而去逆詐焉。杜讒沮之
路。廣諫諍之門焉。掃求利之法。務息人之術焉。
錄片善片能。以盡羣材焉。忘小瑕小怨。俾無棄
物焉。斯道甚易。知甚易行。不勞神。不勞力。但在
約之于心耳。又陛下天資睿哲。有必致之具。安
得捨而不爲哉。斯道夕誓之于心。則可以感神
明。動天地。朝施之于事。則可以服庶類。懷萬方。
何憂乎亂人。何畏乎厄運。何患乎天下不寧。昔

太王以避狄而興。周文以百里而王。是乃因危。難而恢。盛業由僻小而闡。丕圖况陛下稟英資。承寶曆。四海之利權由已。列聖之德澤在人。苟能增修。茂有不濟。至如東北羣孽。荏苒逋誅。涇原亂兵。倉卒犯禁。蓋上天保佑陛下。恐陛下神武果斷。有輕天下之心。使知艱難。將永福祚耳。伏願悔前禍。以答天戒。新聖化。以承天休。勿謂時鍾厄運。而自疑。勿謂事不由人。而自解。勤勵不息。足致昇平。豈止盪滌祲氛。旋復宮闕而已。

愚臣不勝區區憂國奉君之至誠有所切辭不
覺煩伏惟陛下不以人廢言不以言廢直千慮
一得或有取焉。

奉天論奏當今所切務狀

隱朝昨日奉宣聖旨。逆賊雖近。猶未收成。今臣
審思。當今所務。何者最切。具條錄奏來者。伏惟
初經大變。海內震驚。無論順逆。賢愚必皆企竦。
觀聽陛下。一言失則。四方解體。一事當則。萬姓
屬心。動關安危。不可不慎。臣謂當今急務。在于
審察羣情。若羣情之所甚欲者。陛下先行之。羣
情之所甚惡者。陛下先去之。欲惡與天下同。而
天下不歸者。自古及今。未之有也。夫理亂之本。

繫于人心。况乎當變故動搖之時。在危疑向背之際。人之所歸則植人之所去則傾。陛下安可不審察羣情。同其欲惡。使億兆歸趣。以靖邦家乎。此誠當今之所急也。然尚恐爲之不易者。蓋以朝廷播越。王命未行。施之空言。人或不信。何以言其善。今天下之所欲者。在息兵。在安業。天下之所惡者。在歛重。在法苛。陛下欲息兵。則寇孽猶存。兵固不可息矣。欲安業。則征徭未罷。業固未可安矣。欲薄歛。則郡縣懼乏。軍用令必不

從矣。欲去苛則行在素。霽威嚴言且無驗矣。此皆勢有所未制。意有所未從。雖施于德音。足慰來蘇之望。而稽諸事實。未符悔禍之誠。且動人以言者。其感不深。動人以行者。其應必速。蓋以言因事而易發。行違欲而難成。易發故有所未孚。難成故無思不服。今陛下將欲平禍亂。拯阽危。恤黎烝。安反側。旣未有息人之實。又乏于施惠之資。唯當違欲以行。已所難布。誠以除人所病。乃可以彰追咎之意。副惟新之言。若猶不然。

未見其可。頃者竊聞輿議頗究羣情。四方則患于中外意乖。百辟又患于君臣道隔。郡國之志不達于朝廷。朝廷之誠不升于軒陛。上澤闕于下布。下情壅于上聞。實事不必知。知事不必實。上下否隔于其際。真偽雜揉于其間。聚怨囂囂。騰謗藉藉。欲無疑阻。其可得乎。物論則然。人心可見。蓋謂含弘聽納。是聖主之所難。鬱抑猜嫌。是衆情之所病。伏惟陛下神無滯用。鑒必窮微。愈其病而易其難。如淬鋒潰疣。決防注水耳。可。

言有把握。
治天下如烹鮮矣。

以崇德美，可以濟艱難。陛下何慮不行，而直爲此慄慄也。臣謂宜因文武羣官入參之日，陛下特加延揖，親與叙言，備詢禍亂之由，明示咎悔之意，各使極言得失，仍令一一面陳。軍務之際，到卽引對，不拘時限，用表憂勤。周公勤握髮吐餐，而天下歸心，則此義也。又當假之優禮，悅以溫顏，言切而理愜者，必賞導以盡其情，識寡而辭拙者，亦容恕以嘉其意。有諫諍無隱者，願陛下下叶成湯改過之美，褒其直而勿吝其非，有謀

猷。可。用。者。願。陛。下。體。大。禹。拜。言。之。誠。獎。其。能。而。亟。行。其。策。至。于。匹。夫。片。善。採。錄。不。遺。庶。士。傳。言。聽。納。無。倦。是。乃。總。天。下。之。智。以。助。總。明。順。天。下。之。心。以。施。教。令。則。君。臣。同。志。何。有。不。從。遠。邇。歸。心。孰。與。爲。亂。化。疑。梗。爲。訢。合。易。怨。謗。爲。謳。歌。浹。辰。之。間。可。使。丕。變。陛。下。倘。行。之。不。厭。用。之。得。中。從。義。如。轉。圓。進。善。如。不。及。推。廣。此。道。足。致。和。平。其。于。昭。德。塞。違。恐。不。止。當。今。所。急。也。慮。有。愚。而。近。道。事。有。要。而。似。迂。冀。垂。睿。思。反。覆。詳。覽。必。或。

○ ○ 奉天論前所答奏未施行狀

臣某言賊泚逋誅尚冗宮禁陛下思念宗廟痛傷黎元仁孝交感至于憤激猥以急務下詢微臣臣雖鄙懦尊慕仁義荷陛下知己之遇感陛下思理之誠愚衷所懷承問輒發不以淺深自揆不以喜怒上虞誠缺于周防承順之規是亦忠于陛下。一至之分也。前奉詔問尋具上陳請。廷羣臣稍與親接廣咨訪之路開諫諍之門通壅鬱之情弘採拔之道自獻答奏逾茲彌旬不

聞施行不賜酬詰未審宸肯以爲何如昧于忖
量但務竭盡恐猶辭理蹇拙不能暢達事情懷
懷血誠敢願披瀝頻煩黷冒豈不慙惶蓋犬馬
感恩思效之心睽睽而不能自止者也臣聞立
國之本在乎得衆得衆之要在乎見情故仲尼
以謂人情者聖王之田言理道所由生也是則
時之否泰事之損益萬化所繫必因人情情有
通塞故否泰生情有薄厚故損益生通天下之
情者莫智于聖人盡聖人之心者莫深于易象

大旨以人
情二字爲
主。德宗性
已好察有
乎人情禍
亂遂興。

其別卦也。乾下坤上則曰泰。坤下乾上則曰否。其取象也。損上益下則曰益。損下益上則曰損。乾爲天爲君。坤爲地爲臣。天在下而地處上。于位乖矣。而反爲之。泰者上下交故也。君在上而臣處下。于義順矣。而反謂之否者。上下不交故也。氣不交則庶物不育。情不交則萬邦不和。天氣下降地氣上騰。然後歲功成。君澤下流臣誠上達。然後理道立。損益之義亦由是焉。上約已而裕于人。人必悅而奉上矣。豈不謂之益乎。上

茂人而肆諸已人必怨而叛上矣。豈不謂之損乎。然則上下交而泰。不交而否。自損者人益。自益者人損。精之得失。豈容易哉。故喻君爲舟。喻人爲水。水能載舟。舟亦能覆舟。舟卽君道。水卽人情。舟順水之道。乃浮。違則沒。君得人之情。乃固。失則危。是以古先聖王之居人上也。必以其心從天下之心。而不敢以天下之人從其欲。乃至兢兢業業。一日二日萬幾。夫幾者事之微也。以聖人之德。天子之尊。且猶慎事之微。乃至一日

萬慮。豈不以居上接下。懼失其情歟。書曰。人心惟危。道心惟微。微則萬幾之慮。不得不精也。危則覆舟之戒。不得不畏也。夫揆物以意。宣意以言。言或是非。莫能考于有跡。跡或成敗。莫若驗于已行。自昔王業盛衰。君道得失。史冊盡在。絜然可徵。與衆同欲。靡不興。違衆自用。靡不廢。從善納諫。靡不固。達賢耻過。靡不危。故詩書稱堯德。則曰稽于衆。捨己從人。數舜之功。則曰自達四聰。言務同欲也。序禹之所由興。則曰益

贊于禹。禹拜昌言。述湯之所以王。則曰用人惟
已。改過不吝。言能納諫也。歌文王作周。則曰濟
濟多士。文王以寧。美武王克殷。則曰亂臣十人。
同心同德。言皆從善也。堯舜禹湯文武。此六君
者。天下之盛王也。莫不從諫以輔德。詢衆以成
功。是則德益盛者。慮益微。功愈高者。意愈下。及
代之衰也。則道亦反焉。故書曰紂有億兆夷人。
離心離德。言違衆也。詩曰汝魚然于中國。歛怨
以爲德。不明爾德。時無背無側。爾德不明。以無

陪無卿。又曰雖無老成人。尚有典刑。曾是莫聽。
大命以傾。言遠賢也。書曰謂人莫已若者亡。詩
曰惟彼不慎。自獨俾臧。自有肺腸。俾人卒狂。言
自用也。前史數桀紂之惡。曰強足以拒諫。辯足
以飾非。言耻過也。考得失于已行之迹。鑒盛衰
于已驗之符。孰失道而不衰。孰得理而不盛。報
應以類。影響不差。胡可不則而象之。敬而畏之
乎。粵自秦漢暨于周隋。其間將歷千祀。代興者
非一姓。繼覆者非一君。雖所遇殊時。所爲異迹。

前引易詩
書而以六
聖爲證後
讀二百年
治亂所由
語真味永

然失衆必敗。得衆必成。與堯舜禹湯同務者必
興。與桀紂幽厲同趣者必覆。全失衆則全敗。全
得衆則全成。多同與善則功多。甚同與惡則禍
甚。善惡從類。端如貫珠。成敗象行。明若觀火。此
歷代之元龜也。尚恐議者曰。時異事殊。臣請復
爲陛下粗舉近效之尤章者。以辯焉。太宗文
皇帝以天縱之才。有神器之重。武定禍亂。文致
太平。威行如雷霆。明照侔日月。英畧施于百勝。
聖功被于九歌。固非庶品之所度量。常情之所

鑽仰。然猶兢兢畏慎。懼失人心。每戒臣下獻規。恒以危亾爲慮。夙興聽理。日旰忘勞。公卿迭趨。庭奏庶務。評議得失。與衆共之。下無滯情。上無私斷。退朝之暇。宴接待臣。諮訪謀猷。詢求過闕。或論往古成敗。或問人間事情。每言及暗主亂朝。則省懼自戒。言及賢君理代。則企竦思齊。言及稼穡艱難。則上下相匡。務遵勤儉。言及閭閻疾苦。則君臣同慮。議息征徭。懋德懲違。觸類滋長。尚恐過言謬舉。旣往難追。每召宰相平章。必

諫官俱入。小有頗失。隨卽箴規。得一善。必遽命甄昇。聽一諫。必明加褒錫。故得時無闕。樂輸誠。又引文學之流。更直宿于內署。或講求典禮。或諷誦詩書。每至夜分。情忘厭倦。夫以太宗之德美。貞觀之理安。且猶務得人心。其勤若此。是則人心之于理道。可一日而不接乎。高宗始年。亦親聽納。故當時翕然歸美。以爲有貞觀之風。兼賴遺澤在人。先範垂裕。幸無改作。俗以阜康。數十年間。天下無事。承平之業。滋久。倦勤

之意頗彰，燕居益深，接下彌簡，前哲之耿光浸遠。中宮之威柄潛移，卒有嗣聖臨朝，天授革命，豈不以經邦之道闕疇咨于大猷，宴安之懷溺偏信于近狎，馴致禍變，幾將傾邦，雖亂匪自他，然其失一也。弊俗一靡，餘風遂流，迄神龍景雲之間，皆嬖倖亂朝，聰明不達，玄宗躬定大難，手振宏綱，開懷納忠，克已從諫，尊用舊老，採拔羣才，大臣不敢壅下情，私昵不敢干公議，朝清道泰，垂三十年，謂化已行，謂安可保，耳目之娛漸

廣○憂○勤○之○志○稍○衰○
侈○心○一○萌○邪○道○並○進○
貪○權○竊○柄○者○則○曰○德○如○堯○
舜○矣○焉○用○勞○神○承○意○趣○媚○者○
則○曰○時○已○太○平○矣○胡○不○爲○樂○
有○深○謀○遠○慮○者○謂○之○迂○誕○
驚○衆○有○讜○言○切○諫○者○謂○之○
誹○謗○邀○名○至○尊○收○視○于○穆○
清○上○宰○養○威○于○廊○廟○議○曹○
以○頌○美○爲○奉○職○法○吏○以○識○
旨○爲○當○官○司○府○以○厚○歛○爲○公○
忠○權○門○以○多○賂○爲○問○望○
外○寵○持○竊○國○之○勢○內○寵○擅○
迴○天○之○誼○禍○機○熾○然○
燄○燄○滋○甚○舉○天○下○如○居○
積○薪○之○上○人○人○懼○焚○而○
朝○廷○相○蒙○曾○莫○之○省○日○

務遊宴方謂有無疆之休大盜一興至今爲梗
豈不以忽于戒備逸于居安憚忠鯁之怫心甘
諛詐之從欲漸漬不聞其失以致于大失者乎
肅宗懲致寇之由蘊撥亂之畧虛受廣納同符
乎太宗招延詢謀輟食廢寢洞啓誠腑推心與
人豁披胸襟忘已應物故得來蘇之望允塞配
天之業勃興先皇帝繼守恭儉而益之以和惠
惠則有感和則有親雖時繼艱屯而衆不離析
理尚寬大務因循而重作爲然于紫宸聽朝常

限三人奏事。亦宜諭德令。謀責侍臣。或賞其盡
規。或讓以容默。性本仁恕。事多含弘。諫雖未從。
且不深忤。情苟有阻。終獲上通。故君臣相安。而
人亦小息。陛下英資逸辨。邁絕人倫。武畧雄圖。
牢籠物表。憤習俗以妨理。任削平而在躬。以明
威。照臨以嚴。法制斷流弊。日久浚恒。太深遠者。
驚疑而阻。命逃死之亂。作近者畏懼而偷容。避
罪之態。生君臣意乖。上下情隔。君務致理而下
防誅。夷臣將納忠。又上慮欺誕。故睿誠不布于

羣物。物情不達于睿聰。臣于往年曾任御史。獲奉朝謁。僅欲半年。陛下嚴邃高居。未嘗降旨臨問。羣臣跼蹐趨退。亦不列事奏陳。軒墀之間。且未相諭。宇宙之廣。何由自通。雖復例對使臣。列延宰輔。旣殊師錫。且異公言。未行者。則戒以樞密。勿論已行者。又謂之遂事。不諫。漸生拘礙。動涉猜嫌。由是人各隱情。以言爲諱。至于變亂將起。億兆同憂。獨陛下恬然不知。方謂太平可致。陛下以今日之所覩。驗往時之所聞。孰真孰虛。

何得何失。則事之通塞。備詳之矣。人之情僞。盡知之矣。列聖升降之效。歷歷如彼。當今理亂之由。昭昭如此。未有不興于得衆。殆于失人。裕于僉諧。蔽于偏信。濟美因乎納諫。虧德由乎自賢。善始本乎憂勤。失全本乎安泰。今陛下將欲悔禍。徼福。去危從安。若不循太宗創業之規。襲肅宗中興之理。鑒天寶致亂之所以。懲今者遷幸之所由。則何以孚聖懷。彰令聞。新遠邇之聽。歸反側之心。乎前承德音。訪及庸鄙。敢緣斯議。輒

以獻聞、自爾已來、反覆千慮、愚智有分、信非可
移、至今拳拳、猶滯所見、不勝愚誠懇款、謹復布
露以聞、臣某惶怖、死罪謹言、

陸宣公集卷之十二

終

陸宣公奏草卷之十三

○奉天論尊號加字狀

右冀寧奉宣聖旨，往年百官請上尊號，曰聖神
文武皇帝。今緣經此寇難，諸事並宜改變，眾議
欲得於朕舊號之中，更加一兩字，卿宜商量事
體，穩便得否者。伏以睿德神功，參天配地，巍巍
蕩蕩，無得而名。臣子之心，務崇美號，雖或增累
盈百，猶恐稱述未周。陛下既越常情，俯稽至理，
愚衷未諭，安敢不言。竊以尊號之興，本非古制。

行於安泰之日已累謙冲襲乎喪亂之時尤傷
事體今者鑿輿播越未復宮闈宗社震驚尚愆
禮祀中區多梗大憝猶存此乃人情向背之秋
天意去就之際陛下誠宜深自懲厲以收攬羣
心痛自貶損以答謝靈譴豈可近從末議重益
美名既虧追咎之誠必累中興之業以臣庸蔽
未見其宜乞更詳思不爲凶孽所幸此臣之至
願也謹奏

○重論尊號狀

右冀寧奉宣聖旨。卿所商量加尊號事。雖則理

體甚切。然時運必須小有改變。亦不可執滯不

信。卿宜爲朕更審思量。應亦無妨者。臣聞德合

天者謂之皇。德合地者謂之帝。德合人者謂之

王。父天母地以養人。理物各得其宜者。謂之天

子。是皆至尊之殊號。極美之大名。雖欲變更。無

踰於此。故伏羲神農皇帝堯舜。自生人已來。君

德之最神聖者也。天下尊之美之。亦已至矣。而

此狀較之前論更爲明爽

此意天下
後世無不
了然獨庸
王溺于諛
詞而矯氣
矣迨可笑
鄙

其指以爲號者。或曰皇。或曰帝。唯是一字。且猶
不兼禹湯繼興。莫匪大聖。尚自菲薄。降號爲王。
嬴秦德衰於殷周。而名竊於義。皞兼皇與帝。始
總稱之。流及後代。昏僻之君。乃有聖劉天元之
號。是知人主輕重。不在名稱。崇其號。無補於微。
猷。損其名。不傷於德。美然而損之。有謙光稽古
之善。崇之獲矜。能納諂之譏。得失不侔。居然可
辨。况今時遭屯否。事屬艱難。尤宜懼思。以自貶
抑。必也俯稽術數。須有變更。與其增美稱而失
更。進。一。步。

人○心○不○若○黜○舊○號○以○祇○天○戒○天○時○人○事○理○必○相○
扶○人○既○好○謙○天○亦○助○順○陛○下○誠○能○斷○自○宸○鑒○渙○
發○德○音○引○咎○降○名○深○自○尅○責○唯○謙○與○順○一○舉○而○
二○美○從○之○外○可○以○收○物○情○內○可○以○應○玄○運○上○可○
以○高○德○於○夏○古○下○可○以○垂○法○於○無○窮○興○廢○典○矯○
舊○失○至○明○也○損○虛○飾○收○美○利○大○智○也○前○聖○之○所○
以○永○保○鴻○名○常○爲○稱○首○者○達○於○茲○義○而○已○矣○陛○
下○何○恠○而○不○革○反○欲○加○冗○號○以○受○實○患○哉○玄○元○
之○道○德○經○曰○王○侯○自○謂○孤○寡○不○穀○以○賤○爲○本○也○

周襄王遭亂。出居于鄭。告於諸侯曰。不穀不德。鄙在鄭地。春秋美之。以其能降名也。漢光武詔。令上書者不得言聖史冊。稱之。以其能損已也。臣願以賤微。獲承訪議。伊尹耻其君不如堯舜。臣亦耻之。是以誠發於中。不復防慮忌諱。赦其愚而鑒其理。惟明主行焉。謹奏。

○奉天論赦書事條狀

右隱朝奉宣聖旨，并以中書所撰赦文示臣，令臣審看可否。如有須改張處，及事宜不盡，條錄奏來者，臣謹如詔旨，詳省再三，猶懼所見不周，兼與諸學士等參考得失，僉以爲綱條粗舉，文理亦通，事多循常，辭不失舊，用於平昔，頗亦可行。施之當今，則恐未稱；何則？履非常之危者，不可以常道安解；非常之紛者，不可以常語諭。自陛下嗣承大寶，志壹中區，窮用甲兵，竭取財賦，

昨度未達於暫勞之旨。而怨咨已深。昊穹不假
以悔禍之期。而患難繼起。復以刑謫太峻。禁防
傷嚴。上下不親。情志多壅。乃至變生都輦。盜據
宮闈。九廟鞠陷於匪人。六師出次於郊邑。奔逼
憂厄。言之痛心。自古禍亂所鍾。罕有若此之暴。
今重圍雖解。逋寇常存。裂土假王者四。兇滔天
僭帝者二。豎又有顧瞻懷貳。叛援黨姦。其流實
繁。不可悉數。皇輿未復。國柄未歸。勞者未獲休
者未及賞。困窮者未暇恤。滯抑者未克申。將

文章家宜
如此知制
誥者尤急

欲紓多難而收羣心。唯在赦令誠言而已。安危所屬。其可忽諸。動人以言所感已淺。言又不切。人誰肯懷。昔成湯遇災。禱于桑野。躬自髡剔。以爲義牲。古人所謂割髮宜及膚。剪爪宜侵體。良以誠不至。谷物不感。損不極者。益不臻。今茲德音。亦類於是。悔過之意。不得不深。引咎之辭。不得不盡。招延不可以不廣。潤澤不可以不弘。宣暢鬱湮。不可不洞開。襟抱洗刷疵垢。不可不盪去。癥痕使天下聞之。廓然一變。若披重昏而覩

朗曜。人人得其所欲。則何有不從者乎。應須改
革。事條謹具。別狀同進。除此之外。尚有所虞。竊
以。知。過。非。難。改。過。爲。難。言。善。非。難。行。善。爲。難。假
使。赦。文。至。精。止。於。知。過。言。善。猶。願。聖。慮。更。思。所
難。易。曰。聖。人。感。人。心。而。天。下。和。平。夫。感。者。誠。發
於。心。而。形。於。事。人。或。未。諭。故。宣。之。以。言。言。必。顧
心。心。必。副。事。三。者。符。合。不。相。越。踰。本。於。至。誠。乃
可。求。感。事。或。未。至。則。如。勿。言。一。虧。其。誠。終。莫。之
信。伏。惟。陛。下。先。斷。厥。志。乃。施。於。辭。度。其。可。行。而

真經濟真
道學說得
切實可聽

宣之。其不可者措之。無苟於言。以重其悔言。克
誠而人心必感。人心既感而天下必平。事何可
不詳。言何可不務。罄輸愚懇伏聽聖裁。謹奏

○奉天論擬與翰林學士改轉狀

右冀寧奉宣敕旨。卿及諸學士名銜。宜並抄錄
進來。冀寧又向臣說。云聖意以臣等自到奉天。
書詔填委。欲與改轉。以獎勤勞者。承命竦慙。顧
慚非宜。進退徬徨。不知所措。臣謬以儒學。選居
翰林。雖職異訐謨。而恩參近侍。當陛下用兵之
會。乏決勝之籌。從陛下避狄之遊。靡出奇之計。
見危闕授命之節。知難無伏死之爭。事君大猷。
臣則皆曠屑屑供職。曾何足云。夫君之有臣。以
樂哉

臣遇合不在改轉間若能始終任信致一世于大平雖不改轉何害如外親而內踈即一歲九遷其官何足爲恩樂哉

濟○理○也○理○不○失○道○亂○何○由○生○亂○之○浸○興○由○理○乖○
也○君○之○及○難○實○臣○罪○也○是○以○主○憂○則○臣○辱○主○辱○
則○臣○死○今○陛○下○躬○懼○逼○脅○露○處○郊○畿○園○廟○震○驚○
斯○謂○辱○矣○寇○讐○密○邇○亦○云○憂○矣○臣○竊○謂○凡○今○在○
位○任○重○者○其○罪○大○職○近○者○其○責○深○臣○之○職○司○頗○
亦○爲○近○是○宜○當○責○安○可○增○榮○又○聞○初○到○奉○天○已○
頒○詔○命○應○是○扈○從○將○吏○一○例○並○加○兩○階○今○若○翰○
林○之○中○獨○蒙○改○轉○乃○是○行○賞○不○類○命○官○以○私○錄○
微○勞○則○臣○等○遷○位○過○優○勸○來○者○則○從○官○加○階○太○

薄。先○後○失○次。輕○重○不○倫。凡○百○具○寮。誰○不○解○體。夫○
行○罰○先○貴○近。而○後○卑○遠。則○令○不○犯○行○賞。先○卑○遠。
而○後○貴○近。則○功○不○遺。至○如○徇○主○忘○家。固○是○臣○子
常○分。追○陪○輦○蹕。曷○足○甄○稱。陛○下○必○以○朝○官○之○中。
有○來○有○否。事○須○旌○別。以○儆○不○從。則○望○先○錄○大○勞。
次○徧○羣○品。然○後○以○例○均○被。臣○亦○何○敢○獨○辭。殊○渥
曲○臨。實○傷○大○體。不○任○覲○懼○之○至。謹○奉○狀○以○聞。謹
奏

言請事... 宣公集卷十三 八

曲... 宣公集卷十三 八

矣... 宣公集卷十三 八

亦... 宣公集卷十三 八

當... 宣公集卷十三 八

而... 宣公集卷十三 八

可... 宣公集卷十三 八

將... 宣公集卷十三 八

君子房賈
道之才術
而又遊于
聖人之門
故其言粹
乎道德而
不腐

奉天請數對羣臣兼許令論事狀

朝隱奉宣聖旨頻覽卿表狀勸朕數對羣臣兼
許令論事辭理懇切深表盡忠朕本心甚好推
誠亦能納諫但緣上封事及奏對者少有忠良
多是論人長短或探朕意旨朕雖不受讒譖出
外卽妄生是非以爲威福朕往日將謂君臣一
體都不隄防緣推誠信不疑多被姦人賣弄今
所致患害朕思亦無他故却是失在推誠又諫
官論事少能慎密例自矜衒歸過於朕以自取

和觀

平能說

其言

聖人之

而文

其言

其言

名朕從即位以來見奏對論事者甚多大抵皆
是雷同道聽塗說試加質問即便辭窮若有奇
才異能在朕豈惜拔擢朕見從前已來事祇如
此所以近來不多取次對人亦不是倦於接納
卿宜深悉此意者聖德廣大如天包容俯矜狂
愚仍賜獎諭嘉臣以懇切目臣以盡忠雖甚庸
駑實懷感勵夫知無不言之謂盡事君以義之
謂忠臣之夙心久以自誓以此爲奉上之道以
此爲報主之資幸逢休明獲展誠願旣免罪戾

又蒙褒稱，庶奉周旋，不敢失墜。儻陛下廣推此道，施及萬方，咸獎直以矜愚，各錄長而捨短，人之欲善，誰不如臣。自然聖德益彰，羣心盡達，愚衷懇懇，實在於斯。睿眷特深，屢宣密旨，偏該物理，曲盡人情。其於慮遠防微，固非常識所逮。然臣竊謂天子之道，與天同方。天不以地有惡木而廢發生，天子不以時有小人而廢聽納。帝王之盛，莫盛於堯。雖四凶在朝，而僉議靡輟。故曰：惟天爲大，惟堯則之。是知人有邪直，賢愚在處。

曲折杳渺
之旨一言
達盡惟公
爲然

秦漢而後

談主微者
誠之一字

絕不聞公

獨挈之爲

宗譬燃炬

焰于久闇

之夜心目

頓開

之各得其所而已。必不可以忠良者少。而闕於
詢謀獻納之道也。昔人有因噎而廢食者。又有
懼溺而自沉者。其爲矯枉防患之慮。豈不過哉。
願陛下取鑒於茲。勿以小虞而妨大道也。臣聞
人之所助在乎信。信之所立由乎誠。循誠於中。
然後俾衆無惑。存信於已。可以教人不欺。唯信
與誠有補。無失一不誠。則心莫之保。一不信。則
言莫之行。故聖人重焉。以爲食可去。而信不可
失也。又曰。誠者。物之終始。不誠無物。物者。事也。

言不誠則無復有事矣。匹夫不誠無復有事。况王者賴人之誠以自固。而可不誠於人乎。陛下所謂失於誠信以致患者。臣竊以斯言爲過矣。孔子曰可以言而不與之言失人。不可與言而與之言失言。智者不失人。亦不失言。由此論之。陛下可審其所言。而不可不慎。信其所與。而不可不誠。海禽至微。猶識情僞。含靈之類。固必難誣。前志所謂衆庶者至愚。而神蓋以蚩蚩之徒。或昏或鄙。此其似於愚也。然而上之得失靡

不辨上之好惡。靡不知上之所祕。靡不傳上之所爲。靡不效此其類於神也。故馭之以智。則人詐。示之以疑。則人偷。接不以禮。則狗義之意輕。撫不以恩。則効忠之情薄。上行之則下從之。上施之則下報之。若響應聲。若影從表。表枉則影曲。聲淫則響邪。懷鄙詐而求顏色之不形。顏色形而求觀者之不辯。觀者辯而求衆庶之不惑。衆庶惑而求叛亂之不生。自古及今。未之得也。故唯天下至誠爲能盡其性。能盡其性則能盡

人之性。若不盡於已而望盡於人。衆必給而不從矣。不誠於前而曰誠於後。衆必疑而不信矣。今方岳有不誠於國者。陛下則興師以伐之。臣庶有虧信於上者。陛下則出令以誅之。有司順命。誅伐而不敢縱捨者。蓋以陛下之所有責彼之所無故也。向若陛下不誠於物。不信於人人。將有辭。何以致討。是知誠信之道。不可斯須去身。願陛下慎守而行之。有加。恐非所以爲悔者也。臣聞春秋傳曰。人誰無過。過而能改善。莫大

焉。易曰日新之謂盛德。禮記曰德日新日日新。又曰新。商書仲虺述成湯之德曰用人惟已。改過不吝。周詩吉甫美宣王之功曰袞職有闕。惟仲山甫補之。夫禮易春秋百代不刊之典也。皆不以無過爲美。而謂大善盛德在於改過日新。成湯聖君也。仲虺聖輔也。以聖輔而贊揚聖君。不稱其無過而稱其改過。周宣中興之賢主也。吉甫文武之賢臣也。以賢臣而歌誦賢主。不美其無闕而美其補闕。是則聖賢之意較然著明。

善則歸君
過則歸已
向來謬論
爲之一掃

唯以改過爲能。不以無過爲貴。蓋爲人之行已。必有過差。上智下愚。俱所不免。智者改過而遷善。愚者耻過而遂非。遷善則其德日新。是爲君子。遂非則其惡彌積。斯謂小人。故聞義能徙者。常情之所難。從諫勿咈者。聖人之所尚。至於稱揚君德。歌述主功。或以改過不吝爲言。或以有闕能補爲美。中古已降。淳風浸微。臣旣尚諛。君亦自聖。掩盛德而行小道。於是有人入則造膝。出則詭辭之態。興矣。姦由此滋。善由此沮。帝王之

意由此惑。諫臣之罪。由此生。媚道一行。爲害斯甚。太宗文皇帝挺秀千古。清明在躬。再恢聖謨。一變流弊。以虛受爲理本。以直言爲國華。有面折廷爭者。必爲霹靂之威。而明言獎納。有上封獻議者。必爲黜心意之欲。而手勅褒揚。故得有過必知。知而必改。存致雍熙之化。沒齊堯舜之名。向若太宗。狗中主之常情。滯習俗之凡見。聞過則羞。已之短。納諫又畏人之知。雖有求理之心。必無濟代之效。雖有悔過之意。必無從諫。

轉入轉暢
復而不厭

之名此則聽納之實不殊。隱見之情小異。其於
損益之際。已有若此相懸。又況不及中才。師心
自用。肆於人上。以遂非拒諫。孰有不危者乎。且
以太宗有經緯天地之文。有底定禍亂之武。有
躬行仁義之德。有理致太平之功。其爲休烈。耿
光可謂盛極矣。然而人至于今。稱詠以爲道冠。
前古澤被無窮者。則從諫改過爲其首焉。是知
諫而能從。過而能改。帝王之美。莫不於斯。陛下
所謂諫官論事。少能慎密。例自矜衒。歸過於朕。

如張紅燈
燭長夜如
決江河滌
滯滯可愈
吾疾

者。臣以爲不密自矜。信非忠厚。其於聖德固亦
無虧。陛下若納諫不違。則傳之適足增美。陛下
若違諫不納。又安能禁之。勿傳伏願以貞觀故
事爲楷模。使太宗風烈重光於聖代。恐不可謂
此爲歸過而阻絕直言之路也。臣聞虞舜察邇
言。故能成聖化。晉文聽輿誦。故能恢霸功。大雅
有詢于芻蕘之言。洪範有謀及庶人之義。是則
聖賢爲理。務徇衆心。不敢忽細微。不敢侮鰥寡。
侈言無驗。不必用質言當理。不必違遜于志者。

不必然。逆于心者不必否。異於人者不必是同。於衆者不必非。辭拙而效速者不必愚。言甘而利重者不必智。是皆考之以實。慮之以終。其用無他。唯善所在。則可以盡天下之理。見天下之心。夫人之常情。罕能無惑。大抵蔽於所信。阻於所疑。忽於所輕。溺於所欲。信既偏。則聽言而不考其實。由是有過當之言。疑既甚。則雖實而不聽其言。於是有失實之聽。輕其人。則遺其可重之事。欲其事。則存其可棄之人。斯亦苟縱私懷。

人土病根
實坐于此

不稽皇極。于以虧天下之理。于以失天下之心。故常情之所輕。乃聖人之所重。圖遠者先驗於近。務大者必慎於微。將在博採而審用其中。固不在慕高而好異也。陛下所謂比見奏對論事。皆是雷同。道聽塗說者。臣竊以衆多之議。足見人情必有可行。亦有可畏。恐不宜一槩輕侮。而莫之省納也。陛下又謂試加質問。即便辭窮者。臣切恐陛下雖窮其辭而未盡其理。能服其口而未服其心。何以知其然。臣每讀史書。見亂多。

曰黎祖此
以成大家
而宣公反
不得為文
象之雄乎

理少因懷感嘆嘗試思之竊謂為下者莫不願
忠為上者莫不求理然而下每苦上之不理上
每苦下之不忠若是者何兩情不通故也下之
情莫不願達於上上之情莫不求知於下然而
下恒苦上之難達上恒苦下之難知若是者何
九弊不去故也所謂九弊者上有其六而下有
其三好勝人耻聞過騁辯給銜聰明厲威嚴恣
彊懷此六者君上之弊也諂諛顧望畏愞此三
者臣下之弊也上好勝必其於佞辭上耻過必

忌於直諫。如是則下之諂諛者順旨而忠實之
語不聞矣。上騁辯必勦說而折人以言。上徇明
必臆度而虞人以詐。如是則下之顧望者自便
而切磨之辭不盡矣。上厲威必不能降情以接
物。上恣懷必不能引咎以受規。如是則下之畏
慙者避辜而情理之說不申矣。夫以區域之廣
大。生靈之衆多。宮闕之重深。高卑之限隔。自黎
獻而上。獲覩至尊之光景者。踰億兆而無一焉。
就獲覩之中。得接言議者。又千萬無一幸而得。

此皆公所
百拙者故
親切言之
字字醒入

祖子長之
意而變子
張之調

接者猶有九弊。居其間則上下之情所通鮮矣。
上情不通於下則人惑。下情不通於上則君疑。
疑則不納其誠。惑則不從其令。誠而不見納則
應之以悖令而不見從則加之以刑。下悖上刑
不敗何待。是使亂多理少。從古以然。考其初心
不必淫暴。亦在乎兩情相阻。馴致其失。以至於
艱難者焉。昔龍逢誅而夏亡。比干剖而殷滅。宮
奇去而虞敗。屈原放而楚衰。臣謂夏殷虞楚之
君若知四子之盡忠。必不勦棄。若知四子之可

用必不拒違。所以至於恐害而捨絕者。蓋謂其言不足行。心不足保。故也。四子旣去。四君亦危。然則言之固難聽。亦不易。趙武呐呐而爲晉賢臣。絳侯木訥而爲漢元輔。公孫弘上書論事。帝使難弘以十策。弘不得其一。及爲宰相。卒有能名。周昌進諫其君。病吃不能對詔。乃曰。臣口雖不能言。心知其不可。然則口給者。事或非信。辭屈者。理或未窮。人之難知。堯舜所病。胡可以一酬一詰。而謂盡其能哉。以此察天下之情。固多

兩扇逼來
可影竊斧
之情無從
避遁忠言
至計令人
不覺其為
皆口

失實。以此輕天下之士。必有遺才。臣是以竊慮
陛下雖窮其辭而未窮其理。能服其口而未服
其心。良有以也。古之王者。明四目達四聰。蓋欲
幽抑之必通。且求聞已之過也。垂旒於前。黻纁
於側。蓋惡視聽之太察。唯恐彰人之非也。降及
末代。則反於斯。聰明不務通。物情視聽。祇以伺
罪釁。與衆違欲。與道乖方。於是相尚以言。相示
以智。相冒以詐。而君臣之義薄矣。以陛下情含
仁聖。意務雍熙。而使至道未孚。臣切爲陛下懷

布帛菽粟
之言一字
不可動易

愧於前哲也。古人所以有耻，君不如堯舜者，故亦以是爲心乎。夫欲理天下而不務於得人心，則天下固不可理矣。務得人心而不勤於接下，則人心固不可得矣。務勤接下而不辯，君子小人則下固不可接矣。務辯君子小人而惡其言，過悅其順已，則君子小人固不可辯矣。趣和求媚人之甚，利存焉，犯顏取怨人之甚，害存焉。居上者易其害，而以美利利之，猶懼忠告之不蘄，況有踈隔而勿接，又有猜忌而加損者乎。天生

烝人本以爲國。人之有口。不能無言。人之有心。不能無欲。言不宣於上。則怨讟於下。欲不歸於善。則湊集於邪。聖人知衆之不可以力制也。故植謗木。陳諫鼓。列爭臣之位。置采詩之官。以宣其言。尊禮義。安誠信。厚賢能之賞。廣功利之途。以歸其欲。使上不至於亢。下不至於窮。則人心安得而離。亂兆何從而起。古之無爲而理者。其率用此歟。苟有理之之意。而不知其方。苟知其方。而心守不一。則得失相半。天下理亂未可畫

知也。其又違道以師心。棄人而任己。謂欲可逞。謂衆可誣。謂專斷無傷。謂詢謀無益。謂諛說爲忠順。謂獻替爲妄愚。謂進善爲比周。謂嫉惡爲嫌忌。謂多疑爲御下之術。謂深察爲照物之明。理道全乖。國家之顛危。可立待也。理亂之戒。前哲備言之矣。安危之效。歷代嘗試之矣。舊典盡在。殷鑒足徵。其於措置施爲。在陛下明識所擇耳。伏願廣接下之道。開獎善之門。弘納諫之懷。勵推誠之美。其接下也。待之以禮。煦之以和。虛

何其簡而
易操也

心以盡其言。端意以詳其理。不禦人以給。不自
衒以明。不以先覺爲能。不以臆度爲智。不形好
惡以招諂。不大聲色以示威。如權衡之懸。不作
其輕重。故輕重自辨。無從而詐也。如水鏡之設。
無意於妍蚩。而妍蚩自彰。莫得而怨也。有犯類
讜直者。獎而親之。有利口讒佞者。踈而斥之。自
然物無壅情。言不苟進。君子之道浸長。小人之
態日消。何憂乎少忠良。何有乎作威福。何患乎
妄說是非。如此則接下之要備矣。其獎善也。求

上古不可
追矣高光
太宗何有
不以此興
者乎

使德宗素
蓄之心一
時墮落

之。若。不。及。用。之。懼。不。周。如。梓。人。之。任。材。曲。直。當。
分。如。滄。海。之。歸。水。洪。洶。必。容。能。小。事。則。處。之。以。
小。官。立。大。勞。則。報。之。以。大。利。不。忌。怨。不。避。親。不。
挾。瑕。不。求。備。不。以。人。廢。舉。不。以。已。格。人。聞。其。才。
必。試。以。事。能。其。事。乃。進。以。班。自。然。無。不。用。之。才。
亦。無。不。實。之。舉。如。此。則。獎。善。之。道。得。矣。其。納。諫。
也。以。補。過。爲。心。以。求。過。爲。急。以。能。改。其。過。爲。善。
以。得。聞。其。過。爲。明。故。諫。者。多。表。我。之。能。好。諫。者。
直。示。我。之。能。賢。諫。者。之。狂。誣。明。我。之。能。恕。諫。者。

之漏泄彰我之能從有一于斯皆爲盛德是則
人君之與諫者交相益之道也諫者有爵賞之
利君亦有理安之利諫者得獻替之名君亦得
採納之名然猶諫者有失中而君無不美唯恐
讜言之不切天下之不聞如此則納諫之德光
矣其推誠也在彰信在任人彰信不務於盡言
所貴乎出言則可復任人不可以無擇所貴乎
已擇則不疑言而必誠然後以求人之聽命任
而勿貳然後以責人之成功誠信一虧則百事

無不紕繆。疑貳一起。則羣下莫不憂虞。是故言
或乖宜。可引過以改其言。而不可苟也。任或乖
當。可求賢以代其任。而不可疑也。如此則推誠
之義乎矣。微臣所以屢屢塵黷。而不能自抑者。
蓋以陛下有拯亂之志。而多難未平。有務理之
誠。而庶績未乂。有堯舜聰明之德。而未光宅於
天下。有覆載含弘之量。而未翕受於衆情。故臣
每中夜靜思。無不竊嘆而深惜也。向若陛下有
其位。而無必行之志。有其志。而無可致之資。則

臣固已從俗浮沉。何苦而汲汲如是。惟陛下詳
省所闕。亟行所宜。歸天下之心。濟中興之業。此
臣之願也。億兆之福也。宗社無疆之休也。謹奏